

摘藻堂四庫全書薈要

經部

欽定四庫全書薈要卷一千一百七十四

經部

春秋左傳注疏卷五十八

起哀公六年
盡十一年

晉杜氏注 唐陸德明音義 孔穎達疏

經六年春城邾瑕注無傳備晉也任城亢父縣北有邾

婁城音義

瑕音遐任音壬亢苦
浪反又音剛父音甫

晉趙鞅帥師伐鮮虞

吳伐陳

夏齊國夏及高張來奔注二子阿君廢長立少既受命

又不能全書名罪之也音義

長丁丈反
少詩照反

叔還會吳于相注無傳音義

祖莊
加反

秋七月庚寅楚子軫卒注未同盟而赴以名音義

軫之
忍反

史記
作珍

齊陽生入于齊注為陳乞所逆故書入疏

注正義曰成
十八年傳例

曰凡去國國逆而立之曰入此為陳
乞私逆既入而立之故依例書入也

齊陳乞弑其君荼

注弑荼者朱毛與陽生也而書陳乞所以明乞立陽生

而荼見弑則禍由乞始也楚比劫立陳乞流涕子家憚

老皆疑於免罪故春秋明而書之以為弑主音義

弑茶音試

下皆同

疏

注正義曰實非陳乞弑茶而書乞弑其君者以茶死由乞故書乞弑也此與楚公子比鄭公子

歸生俱非弑君之首春秋顯而書之以為弑君之主所以惡此三人釋例曰諸懷賊亂以為心者固不容於誅也若鄭之歸生齊之陳乞楚公子比雖本無其心春秋之義亦同大罪是以君子慎所以立也是說罪之之意

冬仲孫何忌帥師伐邾注無傳

宋向巢帥師伐曹注無傳

傳六年春晉伐鮮虞治范氏之亂也注四年鮮虞納

荀寅于柏人○吳伐陳復脩舊怨也注元年未得志

故也音義

復扶又反

楚子曰吾先君與陳有盟不可以不

救乃救陳師于城父注陳盟在昭十三年音義

父音甫

疏

注正義曰昭十三年無楚與陳盟之事於時楚既滅蔡使棄疾為蔡公子干子皙之入也傳稱朝吳

奉蔡公召二子而盟于鄧依陳蔡人以國是與陳人盟更許復其國其年平王即位更封陳是與盟也

○齊陳乞偽事高國者注高張國夏受命立荼陳乞

欲害之故先偽事焉每朝必駢乘焉所從必言諸大

夫注言其罪過音義

乘繩證反

曰彼皆偃蹇將棄子之命

注偃蹇驕敖音義

偃約免反蹇紀晚反敖五報反

皆曰高國得君注

得君寵也必偏我盍去諸固將謀子子早圖之圖之

莫如盡滅之需事之下也注需疑也音義

偏音逼盍戶臘反去

起呂反下同需音須一音懦懦弱持疑也

疏正義曰需是懦弱之意懦弱持疑不能決斷是為事之下

者勸其決斷而盡殺之

及朝則曰彼虎狼也見我在子之側殺

我無日矣請就之位注欲與諸大夫謀高國故求就

之又謂諸大夫曰二子者禍矣恃得君而欲謀二三

子曰國之多難貴寵之由盡去之而後君定既成謀矣盍及其未作也先諸作而後悔亦無及也大夫從

之夏六月戊辰陳乞鮑牧注牧鮑圉孫音義

難乃旦反鮑牧

州牧之牧

及諸大夫以甲入于公宮昭子聞之與惠子乘

如公戰于莊敗注高國敗也莊六軌之道音義

乘繩證反

國人追之國夏奔莒遂及高張晏圉弦施來奔注晏

圉嬰之子圉施不書非卿音義

國魚呂反

○秋七月楚子

在城父將救陳卜戰不吉卜退不吉王曰然則死也

再敗楚師不如死注前已敗於柏舉今若退還亦是

敗疏

注正義曰劉炫言卜不吉謂戰當敗再敗當謂今伐更敗也杜言退還亦是敗非也以規杜氏

今知劉非者杜言退還亦是敗者以傳卜退不吉是
不得好退是雖欲退還亦必敗也故云退還亦是敗
但文不委悉劉以為退還謂
是好退而還以規杜非也棄盟逃讎亦不如死死

一也其死讎乎命公子申為王不可則命公子結亦

不可則命公子啟注申子西結子期啟子閭皆昭王

兄五辭而後許將戰王有疾庚寅昭王攻大冥卒于

城父注大冥陳地吳師所在音義

辭本又作辭說文云辭不受也受辛

宜辭也辭籀文冥亡丁反

子閭退曰君王舍其子而讓羣臣敢忘

君乎從君之命順也注從命許立音義

舍音捨

立君之

子亦順也二順不可失也與子西子期謀潛師閉塗
逆越女之子章立之而後還注潛師密發也閉塗不
通外使也越女昭王妾章惠王是歲也有雲如衆赤

鳥夾日以飛三日楚子使問諸周大史音義

夾古洽反大音

泰下疏

正義曰服虔云諸侯皆有大史主周所賜典籍故曰周大史一曰是時往問周大史杜以

問周大史於文自明故不煩辭

周大史曰其當王身乎注日為人君

妖氣守之故以為當王身雲在楚上唯楚見之故禍
不及他國若禳之可移於令尹司馬注禳禳祭音義

崇音詠襍如羊反

王曰除腹心之疾而寘諸股肱何益不穀

不有大過天其天諸有罪受罰又焉移之遂弗崇音

義

寘之政反天於疏表反焉於虔反

正義曰言已若無大罪天其妄天之乎必是身有大罪天乃下

罰有罪受罰又焉移之

初昭王有疾卜曰河為崇王弗祭大夫

請祭諸郊王曰三代命祀祭不越望注諸侯望祀竟

內山川星辰音義

崇息遂反竟音境

江漢睢漳楚之望也注

四水在楚界音義

睢七餘反漳音章

疏

注正義曰土地名江經南郡江夏弋陽安

豐漢經襄陽至江夏安陸縣入江睢經襄陽至南郡枝江縣入江漳經襄陽至南郡當陽縣入江是四水

皆在楚界也禍福之至不是過也不穀雖不德河非所獲

罪也遂弗祭孔子曰楚昭王知大道矣其不失國也

宜哉夏書曰惟彼陶唐帥彼天常注逸書言堯循天

之常道音義

楚昭王知大道矣本或作天道非夏戶雅反下注同此語在尚書五子之歌書

無帥彼天常一句下亦微異

有此冀方今失其行亂其紀綱乃滅

而亡注滅亡謂夏桀也唐虞及夏同都冀州不易地

而亡由於不知大道故音義

行如字又下並反尚書作厥道乃滅而亡尚書

作乃底滅亡疏

正義曰此夏書五子之歌第三章也彼云惟彼陶唐有此冀方今失厥道亂其紀綱

乃底滅亡此多帥彼天常一句又字小異者文經篆隸師讀不同故兩存之賈服孫杜皆不見古文以為逸書解為夏桀之時唯王肅云太康時也案王肅注尚書其言多是孔傳疑肅見古文匿之而不言也堯治平陽舜治蒲坂禹治安邑三都相去各二百餘里俱在冀州統天下四方故云有此冀方也又曰

允出茲在茲由已率常可矣注又逸書言信出已則

福亦在已○八月齊邴意茲來奔注高國黨陳僖子

使召公子陽生注召在七月今在八月下記事之次

疏

注正義曰經書陽生入齊文在七月之下知其召在七月也今傳在八月下者欲令下接十月立之

是記事之次也邴意茲來奔者自以高國之黨八月來奔耳僖子使召陽生自以七月之時別使人召之

非遺意茲召也賈逵以傳文相連謂遺意來召又怪其日月錯誤云其說未聞杜以此故為注云高國黨

以隔

陽生駕而見南郭且于注且于齊公子鉏在魯

南郭音義

且子餘反

曰嘗獻馬于季孫不入於上乘故又

獻此請與子乘之注畏在家人聞其言故欲二人共

載以試馬為辭音義

上乘繩證反

出萊門而告之故注魯

郭門也闕止知之先待諸外注闕止陽生家臣子我

也待外欲俱去音義

闕苦暫反

公子曰事未可知反與壬

也處注壬陽生子簡公音義

壬而林反

戒之遂行注戒使

無洩言音義

洩息列反

逮夜至於齊國人知之注故以昏

至不欲令人知也國人知而不言言陳氏得衆音義

令力呈反下同

僖子使子士之母養之注隱於僖子家內子

士母僖子妾與饋者皆入注陳僖子又令陽生隨饋

食之人入處公宮音義

饋其位反

冬十月丁卯立之將盟

注盟諸大夫鮑子醉而往其臣差車鮑點曰注點鮑

牧臣也差車主車之官音義

差所宜反點之廉反又如字

此誰之

命也陳子曰受命于鮑子遂誣鮑子曰子之命也注

見其醉故誣之鮑子曰女忘君之為孺子牛而折其

齒乎而背之也注孺子茶也景公嘗銜繩為牛使茶

牽之茶頓地故折其齒音義

女音汝折之舌反又市列反注同背音佩後年

皆同悼公稽首曰注悼公陽生吾子奉義而行者也若

我可不必亡一大夫注言已可為君必不怨鮑子若

我可不必亡一公子注公子自謂也恐鮑子殺已

故要之音義

要一進反

義則進否則退敢不唯子是從廢

興無以亂則所願也鮑子曰誰非君之子乃受盟注

言陽生亦君之子固可立使胡姬以安孺子如賴注

胡姬景公妾也賴齊邑安號也去鬻如注茶之母音

義

去起呂反

殺王甲拘江說囚王豹于句竇之丘注三子

景公嬖臣荼之黨也音義

拘音俱說音悅句音鉤竇音豆

公使朱毛

告於陳子曰注朱毛齊大夫微子則不及此然君異

於器不可以二器二不匱君二多難敢布諸大夫僖

子不對而泣曰君舉不信羣臣乎注舉皆也音義

其匱

位反難乃旦反

以齊國之困困又有憂注內有飢荒之困又

有兵革之憂少君不可以訪是以求長君庶亦能容

羣臣乎不然夫孺子何罪毛復命公悔之注悔失言

音義

少詩照反長丁丈反
夫音扶孺或作儒同

毛曰君大訪於陳子而圖

其小可也注大謂國政小謂殺荼使毛遷孺子於駘

不至殺諸野幕之下葬諸父冒淳注恐駘人不從故

毛駐於野張帳而殺之駘齊邑父冒淳地名實以冬

殺經書秋者史書秋記始事遂連其死通以冬告魯

音義

駘他才反又徒來反幕音莫父音
殊冒亡報反淳音純駐中住反

疏

注正義曰
傳言十月

立陽生陽生既立之後方遣朱毛殺荼則荼死在冬
經書為秋殺者記陽生初事入齊之始遂連荼死二
事通以冬始來告言陽生秋
入荼以秋死故竝書於秋也

經七年春宋皇瑗帥師侵鄭音義

瑗于
卷反

晉魏曼多帥師侵衛

夏公會吳于郕注郕今琅琊郕縣音義

郕本又作
繒才稜反

秋公伐邾八月己酉入邾以邾子益來注他國言歸於

魯言來外內之辭

宋人圍曹

冬鄭駟宏帥師救曹

傳七年春宋師侵鄭鄭叛晉故也注定八年鄭始叛

○晉師侵衛衛不服也注五年晉伐衛至今未服○

夏公會吳于鄆注吳欲霸中國吳來徵百牢子服景

伯對曰先王未之有也吳人曰宋百牢我注是時吳

過宋得百牢音義

牢力刀反
過古禾反

魯不可以後宋且魯牢

晉大夫過十注晉大夫范鞅也在昭二十一年音義

後如字又
戶豆反

吳王百牢不亦可乎疏

正義曰王制云君
十卿祿魯牢晉大

夫過十故吳王
自謂合得百牢

景伯曰晉范鞅貪而棄禮以大國懼

敝邑故敝邑十一牢之君若以禮命於諸侯則有數

矣注有常數疏

注正義曰周禮大行人云上公九牢侯伯七牢子男五牢是常數也

若

亦棄禮則有淫者矣注淫過也周之王也制禮上物

不過十二注上物天子之牢音義

上如字一音疏注時掌反注同

正

義曰周禮掌客云王合諸侯而饗禮則具十有二牢鄭玄云饗諸侯而用王禮之數者以公侯伯子男盡

在是兼饗之莫適用也以莫適用故用王禮是天子之禮十二牢也郊特牲云天子適諸侯諸侯膳用犢諸侯適天子天子賜之禮大牢貴誠之義也如彼記文諸侯共天子之膳唯一犢耳而得有十二牢者若

是天子大禮必以十二為數其餘共王之膳食自用犢為食耳非謂獻大禮者唯一犢也以為天

之大數也注天有十二次故制禮象之今棄周禮而

曰必百牢亦唯執事吳人弗聽景伯曰吳將亡矣棄

天而背本注違周為背本疏

正義曰棄十二之數為棄天違周禮是背本

不與必棄疾於我注放棄凶疾來伐擊我乃與之太

宰嚭召季康子注嚭吳大夫康子使子貢辭太宰嚭

曰國君道長注蓋言君長大於道路音義

長丁文反注及下注

同而大夫不出門此何禮也對曰豈以為禮畏大國

也注畏大國不敢虛國盡行大國不以禮命於諸侯
苟不以禮豈可量也寡君既共命焉其老豈敢棄其
國大伯端委以治周禮仲雍嗣之斷髮文身羸以為
飾豈禮也哉有由然也注大伯周大王之長子仲雍
大伯弟也大伯仲雍讓其弟季歷俱適荆蠻遂有民
衆大伯卒無子仲雍嗣立不能行禮致化故效吳俗
言其權時制宜以辟災害非以為禮也端委禮衣也

音義

共音恭大伯音泰注同斷丁管反
羸本又作僕力果反效戶孝反

疏

注正義曰
吳世家云

大伯及仲雍皆周大王之子而王季歷之兄也季歷賢而有聖子昌大王欲立季歷以及昌於是大伯仲雍二人乃奔荆蠻文身斷髮示不可用大伯之奔荆蠻自號句吳荆蠻義之從而歸之千餘家立為吳大伯大伯卒無子弟仲雍立是說大伯仲雍適吳之由也魯人不堪吳責故舉吳之上祖以訐之二人同時適吳而大伯端委仲雍斷髮者大伯初往未為彼君故服其本服自治周禮及仲雍民歸稍多既為彼君宜從彼俗曲禮云君子行禮不求變俗仲雍為彼人主不能行周人之禮致中國之化故文身斷髮放效吳俗言其權時制宜以辟災害非以為禮也漢書地理志云越人文身斷髮以辟蛟龍之害應劭曰常在水中故斷其髮文其身以象龍子故不見傷害杜言辟害辟此蛟龍之害大伯之時未有周禮言治周禮者謂治其本國岐周之禮非周公所制禮也羸以為飾者羸其身體以文身為飾也端委禮衣者王肅云

委貌之冠立端之衣也此傳言大伯端委仲雍斷髮
史記云二人皆文身斷髮然則文身斷髮自辟害耳
史記以為示不可用二人亡去遠適荆蠻則周
人不知其處何以須示不可用也皆馬遷謬耳反自

郢以吳為無能為也注棄禮知其不能霸也○季康

子欲伐邾乃饗大夫以謀之子服景伯曰小所以事

大信也大所以保小仁也背大國不信注大國吳也

伐小國不仁民保於城城保於德失二德者危將焉

保注二德信與仁也音義馬於孟孫曰二三子以為

何如注怪諸大夫不言故指問之惡賢而逆之注孟

孫賢景伯欲使大夫不逆其言惡猶安也音義

惡音烏注

同對曰禹合諸侯於塗山執玉帛者萬國注諸大夫

對也諸侯執玉附庸執帛塗山在壽春東北疏

注正義曰

周禮大宗伯云以玉作五瑞以等邦國公執桓圭侯執信圭伯執躬圭子執穀璧男執蒲璧是諸侯執玉也典命云諸侯之適子未誓於天子以皮帛繼子男是世子執帛也知附庸執帛者以世子既繼子男附庸君亦繼子男公之孤四命以皮帛視小國之君附庸無爵雖不得同於子男其位不卑於世子與公之孤也諸侯世子各稱朝附庸君亦稱朝是與世子相似故知執帛也且附庸是國此言執玉帛者萬國國而執帛唯附庸耳知附庸執帛也案尚書有三帛公之孤諸侯世子附庸君此唯言附庸者以傳云禹合

諸侯又云執玉皆據君身言之故不數世子及孤也
下云萬國故唯據附庸言之王制云不能五十里者
不合於天子附於諸侯曰附庸鄭玄云不合謂不朝
會也小城曰附庸附庸者以國事附於大國未能以
其名通也如彼云附庸不得朝會而禹會萬國有附
庸者附庸不得特達天子耳禹會諸侯諸國盡至附
庸從其所附之國共見天子故有執帛者言萬國者
舉盈數耳鄭玄注尚書以為數正滿萬國案益稷州
十有二師鄭以為每一師領百國州十有二師則每
州千二百國畿外八州總九千六百國其餘四百國
在畿內州得有千二百國者以唐虞土方萬里九州
之內地方七千里七七四十九為方千里者四十九
其一為畿內餘四十八州分之州各有千里之方
六以千里之方二為方百里之國二百又以千里之
方二為七十里之國四百又以千里之方二為五十
里之國八百總為一千四百國去其方五十里之國

二百是州別十二百國也鄭玄云畿內四百國者皆謂五十里國也杜云諸侯執玉附庸執帛是與鄭異也尚書傳云百里之方三為國七有奇以百里之方一為百里之國一又以百里之方一為七十里之國二有奇知者但方百里者為方十里者百若方七十里之國唯有七七四十九是為七十里之國二仍有十里之方二在又以百里之方一為五十里之國四是百里之方三為國七有奇則千里之方三為國七百有奇有百今其存者無數十焉唯大不字小小不里之方二在

事大也注言諸侯相伐古來以然音義

數所主反

知必危

何故不言注知伐邾必危自當言今不言者不危故也大夫以答孟孫所怪且阿附季孫魯德如邾而以

衆加之可乎注孟孫忿答大夫今魯德無以勝邾但

欲恃衆可乎言不可疏

注正義曰傳於異人之言更應加曰今無曰者作傳畧之

論語之文此類多矣雖魯上無曰要言與大夫對反不得為大夫之辭故以為孟孫忿答大夫也服虔以

上二句亦為孟孫之言謂諸大夫誠知伐邾必危何故不早言也杜以上屬為便唯以此句為孟孫言耳

不樂而出注季孟意異佞直不同故罷饗音義

樂音岳一

音洛秋伐邾及范門注邾郭門也猶聞鐘聲注邾不禦

寇音義

禦魚呂反

大夫諫不聽茅成子請告於吳注成子

邾大夫茅夷鴻不許曰魯擊柝聞於邾注言以近音

義

析音託以兩木相擊以行夜也
字又作櫟同聞音問又如字

疏

正義曰易繫辭
云重門擊柝以

待暴客鄭玄云手持兩木以
相敵是為擊柝守備警戒也

吳二千里不三月不至

何及於我且國內豈不足注言足以拒魯成子以茅

叛注高平西南有茅鄉亭師遂入邾處其公宮衆師

晝掠注虜掠取財物也音義

晝音中救
反掠音亮

邾衆保于繹

注繹邾山也在鄒縣北音義

繹音亦鄒
側留反

師宵掠以邾

子益來注益邾隱公也晝夜掠傳言康子無法獻于

亳社注以其亡國與殷同囚諸負瑕負瑕故有繹注

負瑕魯邑高平南平陽縣西北有瑕丘城前者魯得
邾之繹民使在負瑕故使相就以辱之邾茅夷鴻以

東帛乘韋自請救於吳

注無君命故言自音義乘繩證反

及下注同

曰魯弱晉而遠吳馮恃其衆

注馮依音義馮皮冰反

注而背君之盟辟君之執事

注辟陋音義辟匹亦反注同

以

陵我小國邾非敢自愛也懼君威之不立君威之不

立小國之憂也若夏盟於鄆

注鄆衍即鄆也鄆盟

不書吳行夷禮禮儀不典非所以結信義故不錄秋

而背之成求而不違注言魯成其所求無違逆也四

方諸侯其何以事君且魯賦八百乘君之貳也注貳

敵也魯以八百乘之賦貢於吳言其國大邾賦六百

乘君之私也注為私屬以私奉貳唯君圖之吳子從

之注為明年吳伐我傳○宋人圍曹鄭桓子思曰宋

人有曹鄭之患也不可以不救注桓諡冬鄭師救曹

侵宋初曹人或夢眾君子立于社宮注社宮社也疏

正義曰曹人夢見多人不識姓名故唯云眾君子也服虔云眾君子諸國君妾耳而謀亡曹

曹叔振鐸請待公孫彊許之注振鐸曹始祖音義

鐸待

洛反注同
彊其艮反

旦而求之曹無之戒其子曰我死爾聞公

孫彊為政必去之及曹伯陽即位好田弋曹鄙人公
孫彊好弋獲白鴈獻之且言田弋之說說之因訪政
事大說之有寵使為司城以聽政夢者之子乃行彊
言霸說於曹伯曹伯從之乃背晉而奸宋宋人伐之
晉人不救築五邑於其郊曰黍丘大城鍾邠注
為明年入曹傳也梁國下邑縣西南有黍丘亭音義

好呼報反下同弋以職反繳射也之說如字說之音
悅下大說同霸說如字一音始銳反奸音干揖音集
一音於入疏正義曰周禮司弓矢云矰矢用諸弋射
反邦音于鄭玄云結繳於矢謂之矰矰高也可以
弋飛鳥說文云繳生絲也謂
用生絲為繩繫矢以射鳥也

經八年春王正月宋公入曹以曹伯陽歸注曹人背晉

而奸宋是以致討宋人既還而不忍褚師之詬怒而反

兵一舉滅曹滅非本志故以入告音義

褚中呂反疏注

義曰傳例曰不有其地曰入案傳宋實滅
曹而有之經書為入故杜原其事而解之

吳伐我

夏齊人取讎及闡注不書伐兵未加而魯與之邑闡在

東平劉縣北音義

謹音歡闡尺善反

疏

正義曰公羊穀梁以為賂齊謂前年魯伐邾取

邾子益益是齊甥畏齊故賂之非左氏意也

歸邾子益于邾

秋七月

冬十有二月癸亥杞伯過卒注無專末同盟而赴以名

音義

過古未反疏

正義曰世族譜云僖公過悼公曾孫案悼公祖文公以昭六年卒父平公以昭二十

四年卒悼公以定四年卒未應有曾孫可以授之國也杞世家僖公過是悼公之子疑譜誤

齊人歸讎及闡注不言來命歸之無官使也音義

使所吏反

疏

注正義曰定七年齊人來歸鄆謹龜陰田此不言來故解之

傳八年春宋公伐曹將還褚師子肥殿注子肥宋大

夫音義

殿丁練反下注同

曹人詬之不行注詬言辱也不行

殿兵止也音義

詬本又作詢呼且反詈力智反

師待之公聞之怒命

反之遂滅曹執曹伯及司城彊以歸殺之注終曹人

之夢○吳為邾故將伐魯問於叔孫輒注問可伐否

輒故魯人音義

為于偽反下注為之同

疏

正義曰定十二年叔孫輒與公山不狃帥

費人以襲魯兵敗奔于齊
後自齊奔吳吳子令問之叔孫輒對曰魯有名而無

情注有大國名無情實伐之必得志焉退而告公山

不狃注不狃亦故魯人音義

狃女九反

公山不狃曰非禮

也君子違不適讎國注違奔亡也疏

正義曰謂有故而去者也本國

於已無大讎怨已無報怨之心則違而不適讎國武王數紂之罪以告衆云撫我則后虐我則讎若父本無罪而枉被誅殺如伍員之徒忠在復讎適讎亦可矣不得以此言格之也若父以罪而受誅者如闕辛之徒本自不合怨君故辛亦不敢怨也

未臣而有伐之奔命焉死之可

也注未臣所適之國若有伐本國者則可還奔命死

其難音義

難乃旦反疏

注正義曰既臣之後則身是新君之臣性命非復已有故不復得為

舊君死節也若未有臣服則舊君之恩未絕故可還奔舊君之命死其難也言奔命則有命乃奔之若命

不及亦不當還所託也則隱注曾所因託則為之隱惡音義

曾在增反且夫人之行也不以所惡廢鄉注不以其私怨

惡廢棄其鄉黨之好音義

夫音符行下孟反又如字惡烏路反又如字注同好

呼報反下文好焉同今子以小惡而欲覆宗國不亦難乎注輒

魯公族故謂之宗國音義

覆芳服反

若使子率子必辭王

將使我子張病之注子張輒也疏

正義曰率謂在軍前引道率領先行

非為軍之將帥也故不狃云子辭王將
使我以其知魯道者唯此二人故也
王問於子洩

注子洩不狃音義

洩息列反又作泄

對曰魯雖無與立注緩

時若無能自立必有與斃注急則人人知懼皆將同

死戰音義

斃婢世反

諸侯將救之未可以得志焉晉與齊

楚輔之是四讎也注與魯而四夫魯齊晉之脣脣亡

齒寒君所知也不救何為三月吳伐我子洩率故道

險從武城注故由險道欲使魯民備音義

子洩率絕句故道險

絕句初武城人或有因於吳竟田焉注僑田吳界音義

竟音境 僑其驕反

拘鄆人之漚管者曰何故使吾水滋注鄆

人亦僑田吳滋濁也音義

拘音俱下同漚烏豆反管古顏反滋音玄本又作茲

子綵反字林云黑也

及吳師至拘者道之以伐武城克之注鄆

人教吳必可克音義

道音導

王犯嘗為之宰澹臺子羽

之父好焉國人懼注王犯吳大夫故嘗奔魯為武城

宰澹臺子羽武城人孔子弟子也其父與王犯相善

國人懼其為內應音義

澹待甘反應應對之應

疏

正義曰杜意拘者道之以

伐武城克之謂語吳人云若伐武城必可克之吳人王犯嘗為武城之宰與澹臺子羽之父相善國人懼

者謂武城邑懼子羽為吳內應劉炫以為實克武城
今知非者以下傳始云王犯嘗為之宰國人懼是未
得武城故知此克之是鄆人教吳之語劉以為伐武
城克之者實克武城國人懼者懼其害魯若然吳師
既來伐魯是顯然行兵不須云王犯與子羽之父相
善魯已受害何須云國人始懼傳既云王犯嘗為之
宰又繼武城之下是為武城之宰澹臺子羽又是武
城之人皆據武城而言故知恐為武城內應傳載漚
管事者說來伐武城之由
劉妄生異見而規杜非也
懿子謂景伯若之何對曰

吳師來斯與之戰何患焉且召之而至又何求焉注
言犯盟伐邾所以召吳吳師克東陽而進舍於五梧
明日舍於蠡室注三邑魯地公賓庚公甲叔子與戰

于夷獲叔子與析朱鉏注公賓庚公甲叔子并析朱

鉏為三人皆同車傳互言之音義

析星曆反注及下同

獻於王

王曰此同車必使能國未可望也注同車能俱死是

國能使人故不可望得明日舍于庚宗遂次於泗上

微虎欲宵攻王舍注微虎魯大夫音義

泗音四

私屬徒

七百人三踊於幕庭注於帳前設格令士試躍之音

義

屬音燭幕亡博反格更百反令力呈反躍羊灼反

卒三百人有若與焉注

卒終也終得三百人任行有若孔子弟子與在三百

人中音義

與音預注
同任音壬

及稷門之內注三百人行至稷

門內或謂季孫曰不足以害吳而多殺國士不如已

也乃止之吳子聞之一夕三遷注畏微虎音義

三息
暫反

吳人行成注求與魯成將盟景伯曰楚人圍宋易子

而食析骸而爨注在宣十五年音義

骸戶皆反本又
作骨爨七亂反

猶無城下之盟我未及虧而有城下之盟是棄國也

吳輕而遠不能久將歸矣請少待之弗從景伯負載

造於萊門注以言不見從故負載書將欲出盟音義

虧去危反輕遣政反載如字疏注正義曰劉炫云載或音戴造七報反萊音來書盟主所制自當吳

人為之何由復出魯國又載書數簡之文耳何須負之且諸言載書未有單稱載者以為負載器物欲往

質於吳以規杜今杜知負載是負載書者以周禮司盟掌盟載之事故傳云士莊子為載書此上有將盟

之文下即云負載之事故知是載書也劉以負載謂背負器物然則景伯魯之大夫親自負物不近人情

而規杜乃請釋子服何於吳吳人許之以王子姑曹過非也

當之而後止注釋舍也魯人不以盟為了欲因留景

伯為質於吳既得吳之許復求吳王之子以交質吳

人不欲留王子故遂兩止音義質音致下同吳人盟

復扶又反

而還注不書盟恥吳夷○齊悼公之來也注在五年

季康子以其妹妻之即位而逆之季魴侯通焉注魴

侯康子叔父音義

妻七計反魴音房

女言其情弗敢與也齊

侯怒夏五月齊鮑牧帥師伐我取謹及闡○或譖胡

姬於齊侯注胡姬景公妾曰安孺子之黨也六月齊

侯殺胡姬注傳言齊侯無道所以不終○齊侯使如

吳請師將以伐我乃歸邾子注齊未得季姬故請師

也吳前為邾討魯懼二國同心故歸邾子音義

偽為反

邾子又無道吳子使大宰子餘討之注子餘大宰嚭

囚諸樓臺桷之以棘注桷擁也音義

桷本又作荐在薦反擁於勇反

使諸大夫奉太子革以為政注革邾太子桓公也為

十年邾子來奔傳○秋及齊平九月臧賔如如齊涖

盟注賔如臧會子齊閭丘明來涖盟注明閭丘嬰之

子也盟不書諱略之疏

注正義曰魯以淫女見伐喪邑又屈服求盟是可恥之事

二盟皆不書者諱其惡而畧之

且逆季姬以歸嬖注季姬鮒侯所通

者鮑牧又謂羣公子曰使女有馬千乘乎注有馬千

乘使為君也鮑牧本不欲立陽生故諷動羣公子音

義

女音汝乘繩證反注及下同諷方鳳反

公子愬之公謂鮑子或譖子

子姑居於潞以察之注潞齊邑音義

愬音素潞音路

若有之

則分室以行若無之則反子之所出門使以三分之

一行半道使以二乘及潞麋之以入遂殺之注麋亦

束縛音義

麋丘隕反

○冬十二月齊人歸讙及闡季姬嬖

故也

經九年春王二月葬杞僖公注無傳三月而葬速

宋皇瑗帥師取鄭師于雍丘注書取覆而敗之雍丘縣

屬陳留音義

雍於勇反疏

注正義曰莊十一年傳例曰覆而敗之曰取其師釋例曰覆者謂威

力兼備若羅網之所掩覆一軍皆見禽制故以取為文專制之辭也案傳鄭師圍宋雍丘宋皇瑗復於鄭師之外築壘使合表裏受敵無處可逃子姚救之又大敗而宋師乃號令使有能者無死是其合軍盡禽敵人制其死命是於例正合書取也

夏楚人伐陳

秋宋公伐鄭

冬十月

傳九年春齊侯使公孟綽辭師于吳注齊與魯平故

辭吳師音義

綽昌灼反本又作卓同

吳子曰昔歲寡人聞命今

又革之不知所從將進受命於君注為十年吳伐齊

傳○鄭武子賸之嬖許瑕求邑無以與之注賸罕達

也瑕武子之屬音義

賸以證反

請外取許之注瑕請取於

他國故圍宋雍丘宋皇瑗圍鄭師注許瑕師每日遷

舍注作壘塹成輒徙舍合其圍音義

壘力軌反塹七艷反

壘合

鄭師哭子姚救之大敗注子姚武子賸也二月甲戌

宋取鄭師于雍丘使有能者無死注惜其能也以邾

張與鄭羅歸注鄭之有能者音義

邾古洽反又音甲

○夏楚

人伐陳陳即吳故也○宋公伐鄭注報雍丘疏

正義曰虛

舉經文者為下趙鞅救鄭起并以終上取鄭師之事也

○秋吳城邾溝通江淮

注於邾江築城穿溝東北通射陽湖西北至末口入

淮通糧道也今廣陵邾江是音義

邾音寒射食亦反又音亦

○晉

趙鞅卜救鄭遇水適火注水火之兆疏

正義曰服虔云北南行適

火卜法橫者為土立者為木邪向經者為金背經者為火因兆而細曲者為水

占諸史趙史

墨史龜注皆晉史史龜曰是謂沈陽注火陽得水故
沈可以興兵注兵陰類也故可以興兵利以伐姜不
利子商注姜齊姓子商謂宋伐齊則可敵宋不吉史
墨曰盈水名也子水位也注趙鞅姓盈宋姓子水盈
坎乃行子姓又得北方水位疏注正義曰秦本紀秦
伯翳之後為嬴姓也
趙世家云趙氏之先與秦同祖伯翳後世為蜚廉蜚
廉有子二人一曰惡來其後為秦一曰季勝其後為
趙今卜趙鞅伐宋故以嬴子二姓為占也名位敵不可干也注二水俱盛
故言不可干炎帝為火師注神農有火瑞以火名官

姜姓其後也水勝火伐姜則可史趙曰是謂如川之

滿不可游也注既盈而得水位故為如川之滿不可

馮游言其波流盛音義

游音由馮皮永反

鄭方有罪不可救

也注鄭以嬖寵伐人故以為有罪救鄭則不吉不知

其他注救鄭則當代宋故不吉也陽虎以周易筮之

遇泰



注乾下坤上泰之需



注乾下坎上需

泰六五變音義

需音須疏

正義曰乾下坤上泰乾為天坤為地地在上天在下象曰

天地交泰泰者大也天地交合萬物大通故名此卦為泰乾下坎上需象曰需須也言雲在天上須散而

為雨故名此卦為需曰宋方吉不可與也注不可與戰泰六五

曰帝乙歸妹以祉元吉帝乙紂父立為天子故稱帝

乙陰而得中有似王者嫁妹得如其願受福祿而大

吉音義

祉音恥疏

注正義曰泰六五曰帝乙歸妹以祉元吉易之文也既引其文又解其意

帝乙紂父殷本紀文也易之爻位五為天子故於六五之爻稱帝乙也其象曰以祉元吉中以行願六是

陰爻也五是上體之中居天子之位陰而得中有似王者嫁妹得如其願受福祿而大吉王弼云婦人謂

嫁曰歸泰者陰陽交通之時也女處尊位履中居順降身應二感以相與用中行願不失其禮帝乙歸妹

誠合斯義履順居中行願以祉盡夫陰陽交配之宜故元吉也杜說與彼同案易稱高宗伐鬼方者實伐

之帝乙歸妹者實嫁之其女有賢德名聞昭著故得載之易象但書典散亡不知嫁與何人為誰之妻

微子啟帝乙之元子也宋鄭甥舅也注宋鄭為婚姻

甥舅之國宋為微子之後今卜得帝乙卦故以為宋

吉疏

正義曰宋鄭異姓必嫁娶往來或何時實有親故為甥舅輒言甥舅者言其婚姻勢敵敵則無

以相傾宋有福鄭必衰言鄭不可助也

祉祿也若帝乙之元子歸妹而

有吉祿我安得吉焉乃止注吉在彼則我伐之為不

吉○冬吳子使來倣師伐齊注前年齊與吳謀伐魯

齊既與魯成而止故吳恨之反為魯謀伐齊音義

倣音

景

經十年春王二月邾子益來奔疏

正義曰八年歸邾子益于邾傳云邾子又

無道吳子使大宰子餘討之因諸樓臺榭之以棘蓋將歸吳而囚之今言來奔當是自吳逃而來適魯傳稱齊甥也遂奔齊經不復書其奔齊者凡諸來奔既至魯而更復奔他國者已去其位畧賤之不復書齊慶封亦是也

公會吳伐齊注書會從不與謀音義

與音預疏

注正義曰往年吳來

做師是與我謀也而從不與謀者與謀者謂彼此和同計謀然後共伐則是我為伐主故言及某同行不與謀者謂彼心自定遣來召我則彼為伐主我往會之故言會某伐某今吳伐齊之意已定做師者來召魯耳於例

止當言會故從
不與謀之文

三月戊戌齊侯陽生卒注以疾赴故不書弑音義

弑申
志反

疏

正義曰傳稱齊人弑悼公赴于師則陽生被弑矣而經書卒是以疾死赴也襄七年鄭伯髡頑卒于鄆

傳稱子駟使賊夜弑僖公而以瘡疾赴于諸侯知此亦以疾死赴故不書弑也八年臧賁如齊涖盟齊閭丘明來涖盟是再同盟故赴以名杜不言畧之

夏宋人伐鄭注無傳

晉趙鞅帥師侵齊

五月公至自伐齊注無傳

葬齊悼公注無傳

衛公孟彊自齊歸于衛注無傳書歸齊納之音義

彊反

疏

注正義曰定十四年衛公孟彊出奔鄭自鄭奔齊故今自齊歸衛也成十八年傳例曰凡去其國諸侯納

之曰歸此書自齊歸知是齊納之

薛伯夷卒注無傳赴以名故書疏

注正義曰定十三年薛弑其君比此夷當

代為君爾夷未同盟而赴以名故書

秋葬薛惠公注無傳

冬楚公子結帥師伐陳

吳救陳注季子不書陳人來告不以名疏

注正義曰傳稱延州來季

子救陳即是季札也札以襄二十九年來聘書名則此亦宜書名今不書者陳人來告不以名也

傳十年春邾隱公來奔齊甥也故遂奔齊注終子貢

之言公會吳子邾子郕子伐齊南鄙師于郕注郕齊

地邾郕不書兵并屬吳不列於諸侯音義

郕音談郕音息并必

政反齊人弑悼公赴于師注以說吳音義

弑申志反

吳子三

日哭于軍門之外徐承帥舟師將自海入齊齊人敗

之吳師乃還注承吳大夫○夏趙鞅帥師伐齊注經

書侵以侵告大夫請卜之趙孟曰吾卜於此起兵注

謂往歲卜伐宋不吉利以伐姜故令興兵事不再令

注再令瀆也卜不襲吉注襲重也音義重直龍反又直用反行

也於是乎取犂及轅注犂一名隰濟南有隰陰縣祝

阿縣西有轅城音義犂力兮反又力之反轅音袁一音于眷反隰音習本或作濕音

同疏注正義曰犂即犂丘也二十三年傳稱齊晉戰于犂丘知伯親擒顏庚庚即涿聚也二十七年

陳成子召顏涿聚之子晉曰隰之役而父死焉是犂一名隰毀高唐之郭侵及賴

而還○秋吳子使來復倣師注伐齊未得志故為明

年吳伐齊傳音義

復扶又反

○冬楚子期伐陳注陳即吳

故吳延州來季子救陳謂子期曰二君不務德注二

君吳楚而力爭諸侯民何罪焉我請退以為子名務

德而安民乃還注季子吳王壽夢少子也壽夢以襄

十二年卒至今七十七歲壽夢卒季子已能讓國年

當十五六至今蓋九十餘音義

夢音蒙少詩照反

疏

注正義曰襄昭

之傳稱延州來季子者皆是季札也此說務德安民
是大賢之事亦當是札故計跡其年言雖老猶能將
兵也孫毓以為季子食邑於州來世稱延州來季子
猶趙氏世稱趙孟延州來季子或是札之子與孫也

經十有一年春齊國書帥師伐我

夏陳轅頗出奔鄭注書名貪也音義

頗破可反又普多反

五月公會吳伐齊

甲戌齊國書帥師及吳戰于艾陵齊師敗績獲齊國書

注公與伐而不與戰艾陵齊地音義

艾五蓋反與伐音預下同

秋七月辛酉滕子虞母卒注無傳赴以名故書之疏

正注

義曰四年滕子結卒虞母代結為君爾來未同盟來赴故書也

冬十有一月葬滕隱公注無傳

衛世叔齊出奔宋注書名淫也

傳十一年春齊為鄆故注鄆在前年音義

偽為反于

國書

高無平帥師伐我及清注清齊地濟北盧縣東有清

亭音義

平音普悲反

李孫謂其宰冉求注冉求魯人孔子

弟子曰齊師在清必魯故也若之何求曰一子守二

子從公禦諸竟季孫曰不能注自度力不能使二子

禦諸竟音義

守手又反從才用反禦魚呂反亦作御竟音境度待洛反

求曰居封

疆之間注封疆竟內近郊地音義

疆居良反

季孫告二子

注二子叔孫孟孫也二子不可求曰若不可則君無
出一子帥師背城而戰不屬者非魯人也注屬臣屬
也言不戰為不臣魯之羣室衆於齊之兵車注羣室
都邑居家一室敵車優矣子何患焉二子之不欲戰
也宜政在季氏注言二子恨季氏專政故不盡力音
義二子之不欲戰也宜絕句當子之身齊人伐魯而不能戰子之
恥也大不列於諸侯矣季孫使從於朝注使冉求隨
已之公朝俟於黨氏之溝注黨氏溝朝中地名音義

黨音掌 武叔呼而問戰焉注問冉求對曰君子有遠慮

小人何知懿子強問之對曰小人慮材而言量力而

共者也注言子所問非已材力所及故不能言音義

強其文反共音恭

武叔曰是謂我不成丈夫也注知冉求非

已不欲戰故不對音義

不成丈夫也本作大夫非是

退而蒐乘注

蒐閱音義

蒐所求反乘繩證反閱音悅

孟孺子洩帥右師注孺子

孟懿子之子武伯音義

孺而佳反疑直利反

顏羽御邠洩為

右注二子孟氏臣音義

邠音丙又被命反

冉求帥左師管周

父御樊遲為右注樊遲魯人孔子弟子樊須音義

音父

甫

季孫曰須也弱有子曰就用命焉注雖年少能用

命有子冉求也音義

少詩照反

季氏之甲七千冉有以武

城人三百為已徒卒注少卒精兵音義

卒子忽反注同

老幼

守宮次于雩門之外注南城門也音義

雩音于

五日右

師從之注五日乃從言不欲戰公叔務人注務人公

為昭公子見保者而泣注保守城者曰事克注繇役

煩音義

繇本或作徭同音遙

政重注賦稅多上不能謀士不能

死何以治民吾既言之矣敢不勉乎注既言人不能

死已不敢不死師及齊師戰于郊齊師自稷曲注稷

曲郊地名師不踰溝樊遲曰非不能也不信子也請

三刻而踰之注與衆三刻約信如之衆從之注如樊

遲言乃踰溝師入齊軍注冉求之師右師奔齊人從

之注逐右師陳瓘陳莊沙泗注二陳齊大夫音義瓘古

喚反泗音四孟之側後入以為殿注之側孟氏族也字反

音義殿丁練反抽矢策其馬曰馬不進也注不欲伐善音

義

抽勅留反策初革反本或作策

林不狃之伍曰走乎注不狃魯士

五人為伍敗而欲走不狃曰誰不如注我不如誰而

欲走音義

誰不如如字一音而庶反注同

曰然則止乎不狃曰惡賢

注言止戰惡足為賢皆無戰志音義

惡音烏注同

徐步而

死注徐行而死言魯非無壯士但季孫不能使師獲

甲首八十注冉求所得齊人不能師注不能整其師

宵謀曰齊人遁注謀間也音義

謀音牒遁徒困反間間廁之間

冉有

請從之三季孫弗許孟孺子語人曰我不如顏羽而

賢於郈洵注二子與孟孺子同車音義

語反

子羽銳

敏注子羽顏羽銳精也敏疾也言欲戰我不欲戰而

能默注心雖不欲口不言奔音義

默本亦作嘿亡北反

洵曰驅

之注言驅馬欲奔公為與其嬖僮汪錡乘皆死皆殯

注皆俱也音義

嬖必計反僮本亦作童音同汪烏黃反錡魚綺反乘繩證反

孔子

曰能執干戈以衛社稷可無殤也注時人疑童子當

殤音義

殤音商八歲至十九歲為殤

疏

注正義曰喪服大功章云子女子子之長殤中殤傳

曰何以大功未成人也年十九至十六為長殤十五至十二為中殤十一至八歲為下殤不滿八歲以下

皆為無服之殤其於服也長殤中殤降成人一等下
殤降二等此汪錡蓋長殤也時人疑其當降服又葬
殤之禮亦異成人檀弓云周人以殷人之棺槨葬長
殤以夏后氏之聖周葬中殤下殤以有虞氏之瓦棺
葬無服之殤是冉有用矛於齊師故能入其軍孔子
其異於成人也

曰義也注言能以義勇不書戰不皆陳也不書敗勝

負不殊音義

牙亡侯反
陳直覲反

○夏陳轅頗出奔鄭初轅頗

為司徒賦封田以嫁公女注封內之田悉賦稅之有

餘以為已大器注大器鍾鼎之屬國人逐之故出道

渴其族轅咺進稻醴梁糗暇脯焉注糗乾飯也音義

咍况阮反稻醴音禮以稻米為醴酒梁粳起九反以梁米為之一音昌紹反服脯丁亂反字亦作鍛加薑

桂曰疏正義曰周禮酒正辨五齊之名二曰醴齊鄭脯也疏玄云醴猶體也成而汁滓相將如今之恬酒

矣則醴是濁酒也月令命作酒云秫稻必齊是以稻為醴也釋草云蘩赤苗芑白苗郭璞曰今之赤梁粟

白梁粟皆好穀也內則鄭玄喜曰何其給也對曰器注云服脩捶脯施薑桂也

成而具注具此醴粳曰何不吾諫對曰懼先行注恐

言不從先見逐○為郊戰故公會吳子伐齊注欲以

報也音義為于偽反五月克博壬申至于贏注博贏齊邑

也二縣皆屬泰山音義贏音盈中軍從王注吳中軍胥

門巢將上軍王子姑曹將下軍展如將右軍注三將

吳大夫齊國書將中軍高無平將上軍宗樓將下軍

陳僖子謂其弟書爾死我必得志注書子占也欲獲

死事之功宗子陽與閭丘明相厲也注相勸厲致死

子陽宗樓也桑掩胥御國子注國子國書公孫夏曰

二子必死注亦勸勉之音義夏戶雅反將戰公孫夏命其

徒歌虞殯注虞殯送葬歌曲示必死音義殯必反疏正義

曰賈逵云虞殯遣殯歌詩杜云送葬歌曲竝不解虞殯之名禮啟殯而葬葬則下棺反日中而虞蓋以啟

殯將虞之歌謂之虞殯歌者樂也喪者哀也送葬得有歌者蓋挽引之人為歌聲以助哀今之挽歌是也舊說挽歌漢初田橫之臣為之據此挽歌之有久矣晉初荀勗制禮以吉凶不雜送葬不宜有歌去之摯虞駁之云詩云君子作歌惟以告哀葬之有歌不為害也復存之

陳子行命其徒具

舍玉注子行陳逆也具舍玉亦示必死音義

行如字又戶郎

反舍戶暗反本又作哈

公孫揮命其徒曰人尋約吳髮短注約

繩也八尺為尋吳髮短欲以繩貫其首音義

揮許韋反

東

郭書曰三戰必死於此三矣注三戰夷儀五氏與今使問弦多以琴注弦多齊人也六年奔魯問遺也音

義遺疏正義曰禮以物遺人謂之問二十六年衛季反出公使以弓問子贛論語云問人於他邦

皆是也曰吾不復見子矣注言將死戰陳書曰此行也

吾聞鼓而已不聞金矣注鼓以進軍金以退軍不聞

金言將死也傳言吳師彊齊人皆自知將敗疏

注正義曰

周禮大司馬教大閱之禮云中軍以鼙令鼓鼓人皆三鼓車徒皆作鼓行鳴鐃車徒皆行及表乃止鳴鐃且卻鄭注云凡進軍退軍鼓鐃同其所異者廢鐃而鳴鐃耳如鄭此言則進退皆有金鼓而杜云鼓以進軍金以退軍者周禮是教戰之法其臨敵之時欲戰則先擊鼓以動之欲退則先擊金以靜之故長勺之役公將鼓之是欲戰擊鼓也此傳云吾聞鼓而已不聞金矣是欲退擊金也

甲戌戰于艾

陵展如敗高子注齊上軍敗國子敗胥門巢注吳上
軍亦敗王卒助之大敗齊師獲國書公孫夏閭丘明
陳書東郭書革車八百乘甲首三千以獻于公注公

以兵從故以勞公音義

辛子忽反乘繩證反從才用反又如字勞力報反

將

戰吳子呼叔孫注叔孫武叔州仇曰而事何也注問

何職對曰從司馬注從吳司馬所命王賜之甲劒鉞

曰奉爾君事故無廢命叔孫未能對衛賜進注賜子

貢孔子弟子音義

鉞普悲反

疏

正義曰子貢衛人故稱衛賜

曰州仇奉

甲從君而拜注拜受之公使大史固歸國子之元注

歸於齊也元首也吳以獻魯寘之新篋製之以玄纁

注製薦也音義

寘之歧反篋古協反製音尉別本作製以玄纁許云反本亦作勲

加

組帶焉寘書于其上曰天若不識不衷何以使下國

注言天識不善故殺國子音義

組音祖衷音忠

○吳將伐齊

越子率其衆以朝焉王及列士皆有饋賂吳人皆喜

唯子胥懼曰是豢吳也夫注豢養也若人養犧牲非

愛之將殺之音義

饋其位反或作餽賂音路豢音患夫音扶

諫曰越在我

心腹之疾也壤地同而有欲於我注欲得吳夫其柔服求濟其欲也不如早從事焉注從事擊之得志於齊猶獲石田也無所用之注石田不可耕越不為沼吳其泯矣使醫除疾而曰必遺類焉者未之有也盤庚之誥曰其有顛越不共則劓殄無遺育無俾易種子茲邑注盤庚商書也顛越不共從橫不承命者也劓割也殄絕也有長也俾使也易種轉生種類音義沼之北反泯亡軫反盤步干反誥古報反共音恭注同劓魚器反殄大典反俾必耳反種章勇反注同從

子容反長

疏

注正義曰彼文云顛越不恭暫遇姦宄我乃剗殄滅之無遺育無俾易種于茲

新邑此傳字少於彼引之畧也孔安國云顛殄越隊也不恭不奉上命孔言殄隊謂受上命而隊失之杜

言從橫不承命謂其人性自顛越從橫不肯承命意小異也刑名以截鼻為剗剗是割也殄絕育長俾使

皆釋詁文也易謂轉易無使轉生種類不令更有惡子孫也

是商所以興也今君

易之將以求大不亦難乎弗聽使於齊屬其子於鮑

氏為王孫氏注私使人至齊屬其子改姓為王孫欲

以辟吳禍音義

使所吏反屬音燭注及下同

反役王聞之使賜之

屬鏤以死注艾陵役也屬鏤劍名音義

鏤力俱反又力侯反

將

死曰樹吾墓櫨櫨可材也吳其亡乎三年其始弱矣

盈必毀天之道也注越人朝之伐齊勝之盈之極也

為十三年越伐吳起音義

櫨古雅疏反木名

正義曰吳語云子胥將死曰而

縣吾目於吳門以見越人之入吳國之亡也遂自殺王愠曰孤不使大夫得有見也乃使取申胥之尸盛以鷄夷而投之於江賈逵云鷄夷革囊也○秋季孫命脩守備曰小勝大

禍也齊至無日矣注善有備音義

守手又反

○冬衛大叔

疾出奔宋注疾即齊也初疾娶于宋子朝注子朝宋

人仕衛為大夫音義

朝如字

其娣嬖注娣所娶女之娣

子朝出注出奔孔文子使疾出其妻而妻之疾使侍

人誘其初妻之娣寘於犂注犂衛邑音義

妻之七計反犂力兮

反而為之一宮如二妻文子怒欲攻之仲尼止之遂

奪其妻或淫于外州外州人奪之軒以獻注外州衛

邑軒車也以獻於君恥是二者故出衛人立遺使室

孔姑注遺疾之弟孔姑孔文子之女疾之妻音義

姑其

乙反又其吉反

疾臣向魋注為宋向魋臣音義

魋徒回反

納美珠

焉與之城鉏注城鉏宋邑宋公求珠魋不與由是得

罪及桓氏出注出在十四年城鉏人攻大叔疾衛莊

公復之注聽使還使處巢死焉殯於鄆葬於少禘注

終言疾之失所也巢鄆少禘皆衛地音義

鄆音云少
詩照反禘

大計反初晉悼公子慙亡在衛使其女僕而田注僕御

田獵音義

慙魚覲反一作整征領反

大叔懿子止而飲之酒注懿

子大叔儀之孫音義

飲於鵠反

遂聘之生悼子注悼子大

叔疾音義

聘匹政反

悼子即位故夏戊為大夫注夏戊悼

子之甥音義

夏戶雅反下同戊音茂

悼子亡衛人翦夏戊注翦

削其爵邑孔文子之將攻大叔也訪於仲尼仲尼曰

胡簋之事則嘗學之矣注胡簋禮器名夏曰胡周曰

簋音義

簋音軌

疏

注正義曰胡簋行禮所用之器故以胡簋言禮事論語衛靈公問曰俎豆

之事意亦同也明堂位說四代之器云有虞氏之兩敦夏后氏之四琕殷之六胡周之八簋如記文則夏器名琕殷器名琕而包咸鄭玄等注論語賈服等注此傳皆云夏曰琕杜亦同之或别有所據或相從而

誤

甲兵之事未之聞也退命駕而行曰鳥則擇木木

豈能擇鳥注以鳥自喻疏

正義曰對靈公軍旅之事未之學也其意亦與此同

軍旅甲兵以治國之具也此以文子非禮欲國內用兵靈公空問軍陳故竝不答非輕甲兵也文子

遽止之曰圉豈敢度其私訪衛國之難也注圉文子

名度謀也音義

遽其據反度待洛反注及下同難乃旦反

將止注仲尼止

魯人以幣召之乃歸注於是自衛反魯樂正雅頌各

得其所疏

正義曰孔子世家云季康子使公華公賓公林以幣迎孔子孔子歸是也

○季

孫欲以田賦注丘賦之法因其田財通出馬一匹牛

三頭今欲別其田及家財各為一賦故言田賦音義

別如字一

疏

注正義曰司馬法方里為井四井為邑四邑為丘丘出馬一匹牛三頭四丘為

音彼列反

甸甸乃有馬四匹牛十二頭是為革車一乘今用田賦必改其舊但不知若何用之賈逵以為欲令一井

之間出一丘之稅井別出馬一匹牛三頭若其如此則一丘之內有一十六井其出馬牛乃多於常一十六倍且直云用田賦何知使井為丘也杜以如此則賦稅大多非民所能給故改之舊制丘賦之法田之所收及家內資財井共一馬三牛今欲別其田及家資各為一賦計一丘民之家資令出一馬三牛又計田之所收更出一馬三牛是為所出倍於常也舊使田與家資同賦今欲別賦其田故言欲以田賦也使

冉有訪諸仲尼仲尼曰丘不識也三發注三發問卒

曰注卒終也子為國老待子而行若之何子之不言也仲尼不對注不公答而私於冉有曰君子之行也注行政事度於禮施取其厚事舉其中斂從其薄如

是則以丘亦足矣注丘十六井出戎馬一匹牛三頭

是賦之常法音義

施尸豉反
斂力豔反

若不度於禮而貪冒無

厭則雖以田賦將又不足且子季孫若欲行而法則
周公之典在若欲苟而行又何訪焉弗聽注為明年

用田賦傳音義

冒亡北反一音莫
報反厭於鹽反

春秋左傳注疏卷五十八

春秋左氏傳注疏卷五十八考證

齊陽生入于齊○林堯叟曰衛侯入于夷儀衛甯喜弑其君剽則喜為衛侯弑也齊陽生入于齊齊陳乞弑其君荼則乞為陽生弑也

傳需事之下也音義懦弱持疑也○監本脫懦字今添
傳江漢睢漳楚之望也疏漳經襄陽至南郡當陽縣入江○監本脫縣字今添

傳楚昭王知大道矣○王應麟曰邾文公之知命楚昭

王之知大道惠王之知志其所知有出於卜祝史巫之外者

傳出萊門而告之故注魯郭門也○顧炎武日知錄曰
定九年杜注曰萊門陽關邑門

臣召南

按陽生此時

駕出魯城共謀杜云魯郭門是也不得以彼注難此
又按八年傳言景伯負載造于萊門即此萊門也安
得曰陽關邑門乎

傳使胡姬以安孺子如賴○

臣浩

按安孺子史記齊世

家作晏孺子

傳苟不以禮豈可量也○林堯叟曰苟命諸侯不以禮法則其包藏禍心豈可量度

傳太伯端委以治周禮疏太伯及仲雍皆周太王之子
○太王監本訛作文王今改正

傳禹合諸侯于塗山執玉帛者萬國今其存者無數十
焉○臣召南按晉書地理志曰春秋之初尚有千二
百國迄獲麟之末見于經傳者百有七十國百三十

九知其所居三十一國盡亡其處按此總論經傳中
所載國名耳至哀公時國之存者原不過數十也

齊人取讎及闡注闡在東平劉縣北○

臣召南

按各本

同誤東平無劉縣當是剛縣之訛剛縣前漢屬泰山
郡地理志曰剛故闡注應劭白春秋取讎及闡今闡
亭是也後漢改屬濟東國故郡國志于剛縣下引此
傳及杜注可證

傳吳子聞之一夕三遷○

臣召南

按魯雖積弱微虎以

三百人奮志雪恥吳人氣奪使魯能用聖賢不且却敵千里之外乎

傳將進受命於君○林堯叟曰言往歲我聞齊乞師之命今又欲革而易之不知二命何者當從將進師伐齊以受齊君之命

傳秋吳城邗溝通江淮注西北至末口入淮○末監本訛作宋今改正

傳盈水名也子水位也疏○臣召南按趙世家本文惟

趙氏之先與秦共祖二句耳其伯翳以下皆孔疏約
世家本文自為序次較本文更明晰但各本俱作其
伯翳後世為盈泄此則刊刻之誤秦趙二國其先並
無名盈泄者也今從趙世家訂正改曰伯翳後世為
蜚廉

傳公會吳子邾子郕子伐齊南部師于鄆○
臣召南按
此邾子即大子革上年為吳人所立者也

傳務德而安民乃還疏猶趙氏世稱知伯○以文義推

之應作猶趙氏世稱趙孟知氏世稱知伯蓋脫漏八字也

傳冉求帥左師○

臣召南

按季氏孟氏分將左右二軍

孟懿子不親將而使其子季康子不親將而使家臣則知魯人之怯左師已捷齊師已遁冉有請從而季孫勿許傳言魯之不振

傳有餘以為已大器注大器鐘鼎之屬○大監本訛作

長今改正

傳屬其子於鮑氏為王孫氏注改姓為王孫欲以避吳禍○顧炎武日知錄曰傳終言之猶夫概王奔楚為堂谿氏也杜注非

傳魯人以幣召之乃歸疏李康子使公華公賓公林以

幣迎孔子○

臣召南

按史記孔子世家作季康子逐

公華公賓公林蓋三人皆小人康子用冉求之言故逐三人而聘孔子也孔疏作使字則是康子使三人以幣聘矣

傳有周公之典在○王應麟曰魯用田賦孔子曰有周
公之典在晉鑄刑書孔子曰晉國將守唐叔之所受
法度周公之典唐叔之法度魯晉所以立國也是以
漢循高祖之法則治唐變太宗之法則亂

春秋左氏傳注疏卷五十八考證

謹按卷五十七第三頁後六行疏以戰必在山旁
刊本監本毛本戰訛椒據宋本改

第四頁後一行疏故因殺夏后相也諸本因訛曰
據宋本改

第十頁後一行傳死知不曠刊本知不訛作不知
據毛本改

第十頁後四行注過再宿曰次刊本宿訛至據毛
本改

第十一頁後一行音義沂魚依反刊本魚訛音今
改

第十三頁前三行疏土揖庶姓刊本土訛士今改
第十四頁前二行疏又奔喪之禮諸本禮並訛袒
據宋本改

第十四頁前六行疏狀如今之著慘頭矣諸本慘
並訛慘據宋本改

第十九頁後六行音義店詩占反刊本占訛古今

改

第二十一頁前一二行音義有知刊本有訛反今
改

第二十四頁後三行注宰人家宰之屬刊本家訛
冢今改

第三十二頁前四行傳國夏伐晉起至七行音義
孟音于止共八十九字刊本脫據宋本增

卷五十八第三頁後七行注前已敗于柏舉諸本

金史四庫全書
舉訛人據宋本改

第八頁後三行音義或作儒刊本儒訛孺今改

第二十頁後一行傳獲叔子與析朱鉏諸本鉏並
訛組據宋本及注文改


第二十九頁前五行音義本或作濕刊本濕訛隰
今改

第三十二頁前六行傳公叔務人諸本叔並訛孫
據宋本改

第三十三頁前七行音義遁徒困反刊本困訛因
今改

第三十四頁前行注悉賦稅之諸本悉並訛急
據宋本改





覆校官編修臣項家達

校對官檢討臣郭寅

騰錄貢生臣李垌

騰錄監生臣徐麟趾

欽定四庫全書叢要

經部

左傳注疏卷五十九



詳校官原任侍講臣王燕紹

欽定四庫全書薈要卷一千一百七十五

經部

春秋左傳注疏卷五十九

起哀公十二年
盡十五年

晉杜氏注 唐陸德明音義 孔穎達疏

經十有二年春用田賦注直書之者以示改法重賦疏

正義曰用田賦者用田之所收以為賦令之出牛馬也依實直書之以示改常法重賦斂成元年作丘甲甲是造作之物故言作馬牛賦稅以充之非造作之物且譏其賦不譏其作故書用言舊不用而今用之

夏五月甲辰孟子卒注魯人諱娶同姓謂之孟子春秋

不改所以順時音義

娶本或作取七疏

注正義曰論語云君娶於吳為

同姓謂之吳孟子是魯人常言稱孟子也坊記云魯春秋去夫人之姓曰吳其死曰孟子卒是替史書為孟子卒及仲尼脩春秋以魯人已知其非諱而不稱姬氏諱國惡禮也因而不改所以順時世也魯春秋去夫人之姓曰吳春秋無此文坊記云然者禮夫人初至必書於策若娶齊女則云夫人姜氏至自齊此孟子初至之時亦當書曰夫人姬氏至自吳同姓不得稱姬舊史所書蓋直云夫人至自吳是去夫人之姓直書曰吳而已仲尼脩春秋以犯禮月著全去其文故今經無其事

公會吳于橐臯注橐臯在淮南逡道縣東南音義

橐章夜反

一音託逡音峻又七倫反適音囚又音巡

秋公會衛侯宋皇瑗于鄆注鄆發陽也廣陵海陵縣東

南有發繇亭音義

繇音遙 疏

注正義曰十七年傳孟武伯問於高柴曰諸侯盟誰執牛

耳季羔曰發陽之役衛石魋指此會也知鄆即發陽一地二名也

宋向巢帥師伐鄭

冬十有二月螽注周十二月今十月是歲應置閏而失

不置雖書十二月實今之九月司歷誤一月九月之初

尚溫故得有螽音義

螽音終

傳十二年春王正月用田賦注終前年事○夏五月

昭夫人孟子卒昭公娶于吳故不書姓注諱娶同姓

故謂之孟子若宋女䟽

注正義曰諱娶同姓不得謂之吳女宋是子姓長女字孟

故惠公元妃謂之孟子今又稱孟子者全改其本若

言此夫人是宋國之長女也釋例曰經書孟子卒傳

言昭公娶于吳故不書姓此為昭公加諱不復繫吳

改其姓號傳因而弗革也論語謂之吳孟子蓋時人

常言非經傳正文也而賈氏以為言孟子若言吳之

長女也稱吳長女既不異於同姓且娶同姓長之與

少未聞其異死不起故不稱夫人注不稱夫人故不

無所為別也

言薨不反哭故不言葬小君注反哭者夫人禮也以

同姓故不成其夫人喪䟽

注正義曰禮既葬日中自墓反虞於正寢所謂反哭

於寢反哭者是夫人之正禮也季氏以同姓之故不成其夫人之喪不為反哭故不書葬所以懲臣子之

過也釋例曰若昭之孟子者以同姓為關生革其姓
過而知悔也然吳之大伯下及魯昭於親遠矣所諱
在於名義而已居夫人之位籍小君之尊已三世矣
季氏當國而不為之服至今仲尼釋已之經國朝不
成其喪以世適夫人不書於策此季氏之咎也孔子
杜言不書於策謂不以夫人之禮書於經也

與弔適季氏季氏不綯放經而拜注孔子始老故與

弔也綯喪冠也孔子以小君禮往弔季氏不服喪故

去經從主節制音義

與弔音預注同綯音問疏注正
經大結反去其呂反義曰

杜以孔子與弔明其已去臣位若在臣位則服小君
之喪不得云與弔而已故云孔子始老始老者謂始
致仕也劉炫云按十六年仲尼卒哀公誅之子贛譏
云生不能用則是哀公不用仲尼為臣也又世家及

諸書無云仲尼仕於哀公杜焉得云孔子始老乎今知不然者以上十一年傳稱仲尼在衛魯人以幣召之是召之而來當以任用故冉有云子為國老待子而行後乃致事故孟子之喪而來與弔若哀公全不能用何須以幣召之但哀公不用其言故云生不能用於傳文上下理甚符同劉以為不仕哀朝以規杜過非也喪服齊衰三月章曰為舊君君之母妻傳曰為舊君者孰謂也仕焉而已者也何以服齊衰三月言與民同也君之母妻則小君也鄭玄云仕焉而已者謂老苦有廢疾而致仕者也為小君服者恩深於民也是其服與民同不服臣為小君之服故與常弔也禮齊衰之喪始死而統以至於成服統以代吉冠故以統為喪冠也孔子以季孫當服臣為小君之禮故以小君禮往弔季氏傳言適季氏謂適季氏哭位故杜言往弔謂就其哭位也季孫既不服喪孔子不得服弔服故去經從主節制也大夫之弔服弁經鄭

玄云弁經者如爵弁而素而加環經大如總之經纏而不糾也曲禮云凡非弔喪非見國君無不答拜者鄭玄云喪賓不答拜不自賓客也禮弔無拜法而此言孔子放經而拜者記言喪賓不答拜謂喪主既拜賓賓不答拜耳其初見主人成弔者先拜○公會吳據此傳文必有拜法記無其事記不具耳

于橐皋吳子使大宰嚭請尋盟注尋鄆盟公不欲使

子貢對曰盟所以周信也注周固故心以制之注制

其義玉帛以奉之注奉贊明神音義

贊音至

言以結之

注結其信明神以要之注要以禍福音義

要一選反注同

寡

君以為苟有盟焉弗可改也已若猶可改日盟何益

今吾子曰必尋盟若可尋也亦可寒也注尋重也寒

歆也音義

重直龍反歆許謁反

疏

注正義曰少牢有司徹云乃尋尸俎鄭玄云尋溫也引此

若可尋也亦可寒也則諸言尋盟者皆以前盟已寒更溫之使熱溫舊即是重義故以尋為重傳意言若可重溫使熱亦可歆之使寒故言寒歆不訓寒為歆也乃不尋盟○吳徵會于

衛初衛人殺吳行人且姚而懼謀於行人子羽注子

羽衛大夫音義

且子餘反

子羽曰吳方無道無乃辱吾君

不如止也子木曰吳方無道注子木衛大夫國無道

必棄疾於人吳雖無道猶足以患衛注為衛患也往

也長木之斃無不標也注標擊音義

斃俾世反標敷蕭反又普交反

國狗之瘕無不噬也注瘕狂也噬齧也音義

狗音苟瘕吉世

反噬市制反齧五結反本或作噬

疏

正義曰長木喻吳國大也狗瘕喻吳失道也國狗猶家狗言家

畜狂狗必齧人也

而况大國乎秋衛侯會吳于郕公及衛侯

宋皇瑗盟注盟不書畏吳竊盟疏

注正義曰畏吳竊盟恐吳知之故不

敢書於策也成二年公及楚人秦人云云盟於蜀傳曰卿不書匱盟也於是乎畏晉而竊與楚盟故曰匱

盟彼以畏晉竊盟故諸侯之卿皆貶而稱人此亦畏吳竊盟宜應貶此三國經遂沒而不書者彼以晉是盟主諸侯不應背晉故貶諸侯之卿以成晉為霸主此吳以夷禮自處不合主諸侯之盟故與吳盟者悉

皆不書是不與吳為盟主也既不與吳則三國私盟於義可許不合貶責但魯自不書仲尼亦從而不書之耳釋例曰諸侯畏晉而竊與楚盟而貶其卿所以成晉為盟主也吳之彊大始於會鄆終於黃池凡三會三伐三盟唯書會伐而不書盟者吳以盟主自居而行其夷禮禮儀不典則盟神不蠲非所以結信義昭明德故不錄其盟不與其成為盟主也既不與吳之為盟主則宋魯衛三國私盟可許故無貶文是其說也杜言三會三伐三盟者七年會于鄆十二年會于橐牟十三年會於黃池是三會也八年吳伐我十年公會吳伐齊十一年齊國書及吳戰于艾陵是三伐也七年傳云夏盟于鄆衍八年傳云吳人盟而還十三年傳云秋七月辛丑而卒辭吳盟吳人藩衛侯盟吳晉爭先是三盟也

之舍注藩籬音義

藩方元反注及下同籬力知反

子服景伯謂子貢

曰夫諸侯之會事既畢矣侯伯致禮地主歸餼注侯

伯致禮以禮賓也地主所會主人也餼生物音義許

氣疏注正義曰侯伯諸侯之長謂盟主也侯伯為主

反疏則諸侯之從已者皆為賓致禮禮賓當謂有以

禮之或設飲食與之宴也地主所會之地主人也當

歸生物於賓禮牲生曰餼服虔云致賓禮於地主傳

言吳不行禮於衛衛非地主以相辭也注各以禮相辭讓今吳不

行禮於衛而藩其君舍以難之注難苦困也音義乃

旦子盍見大宰乃請束錦以行注以賂吳音義戶盍音

反語及衛故注若本不為衛請者音義偽為于大宰嚭

曰寡君願事衛君衛君之來也緩寡君懼故將止之
注止執子貢曰衛君之來必謀於其衆其衆或欲或
否是以緩來其欲來者子之黨也其不欲來者子之
讐也若執衛君是墮黨而崇讐也注墮毀也音義墮許

規反注及下皆同

夫墮子者得其志矣且合諸侯而執衛君

誰敢不懼墮黨崇讐而懼諸侯或者難以霸乎大宰
嚭說乃舍衛侯衛侯歸效夷言子之尚幼注子之公

孫彌牟音義

說音悅下同舍音捨釋也又音赦效尸教反

曰君必不免其

死於夷乎執焉而又說其言從之固矣注出公輒後

卒死於越○冬十二月螽季孫問諸仲尼仲尼曰丘

聞之火伏而後蟄者畢注火心星也火伏在今十月

音義

蟄直切反

今火猶西流司歷過也注猶西流言未盡

沒知是九月歷官失一閏釋例論之備疏

注正義曰月令季夏

之月昏火星中詩云七月流火毛傳云流下也謂昏而見於西南漸下流也周禮司燿云季秋內火是九月之昏火始入十月之昏則伏火猶西流者言其未盡沒是夏九月也經書十二月則是夏十月歷官失一閏故以九月為十月釋例長歷言諸儒皆以為冬實周之九月而書十二月謂之再失閏若如其言乃

成三失非但再也今以長歷推春秋此十二月乃夏
之九月實周之十一月也此年當有閏而今不置閏
此為失一閏月耳十二月不應螽故季孫怪之仲尼
以斗建在戌火星尚未盡沒據今猶見故言猶西流
明夏之九月尚可有益也季孫雖聞仲尼此言猶不
即改明年十二月復螽於是始悟十四年春乃置閏
欲以補正時歷也傳於十五年書閏月蓋置閏
正之欲明十四年之閏於法當在十二年也 ○宋

鄭之間有隙地焉注隙地間田音義

隙去逆反間音闕又一本作間

地一音如字

曰彌作項丘玉暢岳戈錫注凡六邑音義

亡彌

支反又亡爾反項若頴反又音傾暢勅亮反一本
作士暢岳五咸反戈古禾反錫音羊一音星歷反子

產與宋人為成曰勿有是注俱棄之及宋平元之族

自蕭奔鄭注在定十五年鄭人為之城品戈錫注城

以處平元之族音義

為之于偽反

九月宋向巢伐鄭取錫

殺元公之孫遂圍品十二月鄭罕達救品丙申圍宋

師注此事經在十二月蝥上今倒在下更具列其月

以為別者丘明本不以為義例故不皆齊同音義

丁倒

老反別如字又彼列反

疏

注正義曰杜以此與經別故言丘明不以為義例故使文不齊同劉炫以

為傳說當時事耳更倒本隙地之事載其日月使與明年相接今知不然者案宣二年壬申朝于武宮是十月五日下午乃云冬趙盾為旄車之族彼注云壬申是十月五日也既有日而無月冬又在壬申下明傳

文無較例彼既無倒本其事與後年相接足知此亦
不為倒本其事使九月在十二月之下明傳因簡牘
舊文或日月前後不以為例若以倒敘其事為後年
張本案傳之上下凡倒敘事為後年張本者唯道事
之所由不具載其日月
劉以此而規杜過非也

經十有三年春鄭罕達帥師取宋師于品注書取覆而
敗之

夏許男成卒注無傳音義

成音城本
或作戊

公會晉侯及吳子于黃池注陳留封丘縣南有黃亭近
濟水夫差欲霸中國尊天子自去其僭號而稱子以告

令諸侯故史承而書之音義

近附近之近去起呂反僭子念反

疏

注正義曰

七年會吳于鄆十二年會吳于橐臯皆不稱子此稱吳子故解之夫差欲霸中國尊天子而自號為王則諸侯不服故去僭號自稱吳子以告令諸侯故諸侯之策承而書曰吳子吳語說此事云晉侯命董褐告吳王曰今君奄王東海以淫名聞於天下君有短垣而自踰之況蠻荆則何有於周室夫命圭有命固曰吳伯不曰吳王諸侯是以敢辭夫諸侯無二君而周無二王君若無卑天子而曰吳公孤敢不順從君命吳王許諾是其去僭號也於此會去王號耳其於吳國猶稱王不改也

楚公子申帥師伐陳注無傳

於越入吳

秋公至自會注無傳

晉魏曼多帥師侵衛注無傳

葬許元公注無傳

九月蝥注無傳書災

冬十有一月有星孛于東方注無傳平旦衆星皆沒而

孛乃見故不言所在之次音義

孛步內反疏注正義曰見賢遍反公羊傳曰

孛者何彗星也其言于東方何見平旦也杜用彼說衆星皆沒故不言所在之次

盜殺陳夏區夫注無傳稱盜非大夫音義

夏戶雅反區烏侯反

十有二月螽注無傳前年季孫雖聞仲尼之言而不正

歷失閏至此年故復十二月螽實十一月音義

復扶又反

傳十三年春宋向魋救其師注救前年圍岳師鄭子

賸使徇曰得桓魋者有賞魋也逃歸遂取宋師于岳

獲成讙郤延注二子宋大夫音義

徇似俊反讙火官反郤古報反又古

毒反以六邑為虛注空虛之名不有音義

為虛竝如字或音墟非

○夏公會單平公晉定公吳夫差于黃池注平公周

卿士也不書尊之不與會音義

單音善不與音預

○六月丙

子越子伐吳為二隧注隧道也音義

隧音遂注同

疇無餘

謳陽自南方注二子越大夫音義

謳烏侯反

先及郊吳大

子友王子地王孫彌庸壽於姚自泓上觀之注觀越

師泓水名音義

泓烏宏反

彌庸見姑蔑之旗注姑蔑越地

今東陽大末縣音義

蔑亡結反旗音其大音泰孟康云大音闐

曰吾父之

旗也注彌庸父為越所獲故姑蔑人得其旌旗不可

以見讎而弗殺也太子曰戰而不克將亡國請待之

彌庸不可屬徒五千注屬會也音義

屬音燭注同

王子地

助之乙酉戰彌庸獲疇無餘地獲謳陽越子至王子

地守丙戌復戰大敗吳師獲太子友王孫彌庸壽於

姚注地守故不獲音義

守手又反下注同復扶又反

丁亥入吳吳

人告敗于王王惡其聞也注惡諸侯聞之音義

惡烏路反

注自劉七人於幕下注以絕口音義

劉古項反

秋七月辛

丑盟吳晉爭先注爭歃血先後音義

歃所洽反又所甲反

吳人

曰於周室我為長注吳為大伯後故為長音義

長丁丈反

注並同大音泰

晉人曰於姬姓我為伯注為侯伯趙鞅呼司

馬寅注寅晉大夫曰日旰矣注旰晚也音義

旰反古大

事未成二臣之罪也注大事盟也二臣鞅與寅建鼓

整列二臣死之長幼必可知也疏

正義曰如此傳文則趙鞅先欲與吳

戰也吳語云吳晉爭長未成邊遽仍至以越亂告吳王懼乃合大夫而謀曰無會而歸與會而先晉孰利王孫雄先對曰二者莫利必會而先之乃為吳王設計布陳鷄鳴乃定去晉軍一里昧明王乃秉枹鳴鼓三軍皆譁聲動天地於是晉軍大駭乃令董褐請事賈逵等皆云董褐司馬寅也如彼文則吳請先戰國語各記其國之事言有彼此故其文不同注正義曰杜以鞅呼寅與語明其同憂國事故以二臣為鞅與寅也劉炫以為吳晉二臣今知不然者以趙鞅呼司馬寅自相與語云建鼓整列二臣死之皆是鞅寅自

謂故知二臣鞅與寅也鞅既不共吳臣對論曲直何
得以二臣為吳晉之臣劉以為吳晉之臣而規杜氏
非也建立也立鼓擊之與戰也大射禮云建鼓在阼
階西鄭玄云建猶樹也以木貫而載之樹之附也彼
謂立之於地所謂殷對曰請姑視之反曰肉食者無
人楹鼓與此別也

墨注墨氣色下今吳王有墨國勝乎注國為敵所勝

大子死乎且夷德輕不忍久請少待之注少待無與

爭音義

輕遣疏

正義曰吳語說此事云董褐既致命乃告趙鞅曰臣觀吳王之色類有大

憂小則嬖妾適子死不然則國有難大則越入

乃先

吳將毒不可與戰主其許之說與此傳小異

晉人注盟不書諸侯恥之故不錄疏

正義曰吳語說此事云吳公先

歃晉侯亞之與此異者經書公會晉侯及吳子傳稱公會單平公晉定公吳夫差吳皆在下晉實先矣經據魯史策書傳采魯之簡牘魯之所書必是依實國語之書當國所記或取曲筆直已辭有抑揚故與左傳異者多矣鄭玄云不可以國語亂周公所定法傳玄云國語非丘明所作凡有共說一事而二文不同必國語虛而左傳實其言相反不可強合也

吳人將以公見晉侯子服景

伯對使者曰王合諸侯則伯帥侯牧以見於王注伯

王官伯侯牧方伯音義

見晉如字又賢遍反使所吏反以見賢遍反

伯合

諸侯則侯帥子男以見於伯注伯諸侯長疏

正義曰曲禮云

五官之長曰伯是職方也九州之長入天子之國曰牧於外曰侯職方者二伯各主一方州長者州牧各

主一州周禮所謂八命作牧九命作伯是也王合諸侯則伯帥侯牧當如康王之誥大保帥西方諸侯畢公帥東方諸侯以見於王也計當盡帥諸侯獨言帥侯牧者舉尊而言其實盡帥之也伯合諸侯則侯帥子男侯謂牧也牧帥諸國之君見於伯也亦當盡帥在會諸侯獨云子男舉小為言其實亦見在會者盡帥以見伯也

自王以下朝聘玉帛不同故敝邑之職貢於

吳有豐於晉無不及焉以為伯也疏

正義曰言共職貢於吳有豐於

晉無有不及晉時以吳為伯故也

今諸侯會而君將以寡君見晉君

則晉成為伯矣敝邑將改職貢魯賦於吳八百乘若

為子男則將半邾以屬於吳注半邾三百乘音義

豐芳

中反乘繩證
反下及注同

而如邾以事晉注如邾六百乘疏

正義曰七

年傳茅夷鴻請救於吳云魯賦八百乘君之貳也邾賦六百乘君之私也今魯賦八百乘以貢於吳以吳

為伯故也吳今帥魯以見於晉則吳為州牧魯為子男晉成伯矣邾是子爵以六百乘貢吳邾以吳為伯故也魯既以晉為伯吳為牧牧卑於伯則將半邾且三百乘以屬於吳而如邾六百乘以事於晉也

執事以伯召諸侯而以侯終之何利之有焉吳人乃

止既而悔之注謂景伯欺之將囚景伯景伯曰何也

立後於魯矣注何景伯名將以二乘與六人從遲速

唯命遂囚以還及戶牖注戶牖陳留外黃縣西北東

昏城是音義

從才用反
牖音酉

謂大宰曰魯將以十月上辛

有事於上帝先王季辛而畢何世有職焉注有職於

祭事疏

正義曰七月辛丑盟囚景伯以還今景伯稱
十月當謂周之十月周之十月非祭上帝先

公之時且祭禮終朝而畢無上辛盡於季
辛之事景伯以吳信鬼皆虛言以恐吳耳自襄以來

未之改也注魯襄公若不會祝宗將曰吳實然注言

魯祝宗將告神云景伯不會坐為吳所囚吳人信鬼

故以是恐之音義

坐才卧反
恐丘勇反

且謂魯不共而執其賤

者七人何損焉大宰嚭言於王曰無損於魯而祇為

名注適為惡名音義

共音恭
祇音支

不如歸之乃歸景伯吳

申叔儀乞糧於公孫有山氏注申叔儀吳大夫公孫

有山魯大夫舊相識曰佩玉樂兮余無所繫之注樂

然服飾備也已獨無以繫佩言吳子不恤下音義

樂而

捶反又水反

旨酒一盛兮余與褐之父睨之注一盛一器

也睨視也褐寒賤之人言但得視不得飲音義

盛音成又

市政反下同褐戶葛反父如字又音甫睨五計反

疏

注正義曰酒盛於器謂一器為一盛說文云睨

邪視也詩云無衣無褐何以卒歲鄭玄云褐毛布也人之貴者無衣賤者無褐是褐者寒賤人之衣服也

言我與彼褐之父但得共邪視之不得飲之告已之乏飲也

對曰梁則無矣麤則

有之若登首山以呼曰庚癸乎則諾注軍中不得出

糧故為私隱庚西方主穀癸北方主水傳言吳子不

與士共飢渴所以亡音義

麤本又作麤七疏正義曰奴反呼火故反食以稻

梁為貴故以梁表精若求梁米之飯則無矣麤者則有之若我登首山以叫呼庚癸乎女則諾軍中不得出糧與人故作隱語為私期也庚在西方穀以秋熟故以庚主穀癸在北方居水之位故以癸主水言欲致飯并致飲也土地名首山關王欲伐宋殺其丈夫不知其處當在吳所營軍之旁

而囚其婦人注以宋不會黃池故言吳子悖惑音義

殺其丈夫直兩反又作大夫誤悖補內反

大宰嚭曰可勝也而弗能居也

乃歸冬吳及越平注終伍員之言疏

正義曰言吳不能報越求與之

平終伍員所謂三年始弱也

經十有四年春西狩獲麟注麟者仁獸聖王之嘉瑞也

時無明王出而遇獲仲尼傷周道之不興感嘉瑞之無

應故因魯春秋而脩中興之教絕筆於獲麟之一句所

感而作固所以為終也冬獵曰狩蓋虞人脩常職故不

書狩者大野在魯西故言西狩得用曰獲音義

狩手又反麟呂

辛反又力珍反瑞獸也解見詩音疏注正義曰公羊傳瑞常恚反應應對之應中丁仲反疏曰麟者仁獸也何

休云一角而戴肉設武備而不為害所以為仁也鄭玄詩箋云麟角之末有肉示有武而不用釋獸云麋麋身

牛尾一角李廵曰麟瑞應獸名孫炎曰靈獸也京房易傳曰麟麋身牛尾狼額馬蹄有五采服下黃高丈二廣

雅云麒麟狼頭肉角含仁懷義音中鍾呂行步中規折旋中矩遊必擇土翔必有處不履生蟲不折生草不羣

不旅不入陷穽不入羅網文章斌斌說文云麒麟獸從鹿其聲麟大牝鹿也從鹿犇聲公羊傳曰麟有王者則

至無王者則不至孝經援神契云德至鳥獸則麒麟臻是言麟為聖王之嘉瑞也此時無明王麟出無所應也

出而遇獲失其所以歸也夫以靈瑞之物輒軻若是聖人見此能無感乎所以感者以聖人之生非其時道無

所施言無所用與麟相類故為感也仲尼見此獲麟於是傷周道之不興感嘉瑞之無應故因魯春秋文加褒

貶而修中興之教也能用此道則周室中興故謂春秋為中興之教也春秋編年之書不待年終而絕筆於獲麟之一句者本以所感而作故所以用此為終也釋天云冬獵為狩周之春夏之冬故稱狩也桓四年公狩于郎莊四年公及齊人狩于禚禚郎二者公親行皆書公狩此狩不書公卿者蓋是虞人賤官自修常職公卿不行故不書狩者名氏此狩常事本不合書書之為獲麟故也傳稱狩于大野大野之澤在魯國之西故言西狩得用曰獲定九年傳例也杜以獲麟之義唯此而已先儒穿鑿妄生異端公羊傳曰有以告者曰有麋而角者孔子曰孰為來哉孰為來哉反袂拭面涕沾袍曰吾道窮矣說公羊者云麟是漢將受命之瑞周亡天下之異夫子知其將有六國爭彊秦項交戰然後劉氏乃立夫子深閔民之離害故為之隕泣麟者太平之符聖人之類又云麟得而死此亦天告夫子將沒之徵也案此時去漢三百七十有餘年矣漢氏起於匹夫先無王迹前

期三百許歲天已豫見徵兆其為靈命何太遠乎言既不經事無所據苟佞時世妄為虛誕故杜氏序云至於反袂拭面稱吾道窮亦無取焉蓋賤其虛誣鄙其妖妄故無所取之也說左氏者云麟生於火而遊於土中央軒轅大角之獸孔子作春秋春秋者禮也脩火德以致其子故麟來而為孔子瑞也奉德侯陳欽說麟西方毛蟲金精也孔子作春秋有立言西方兌為口故麟來許慎稱劉向尹更始等皆以為吉凶不竝瑞災不兼今麟為周異不得復為漢瑞知麟應孔子而至鄭玄以為脩母致子不如立言之說密也賈逵服虔穎容等皆以為孔子自衛反魯考正禮樂脩春秋約以周禮三年文成致麟麟感而至取龍為水物故以為脩母致子之應若然龍為水物以其育於水耳麟生於火豈其產於火乎孔子之作春秋門徒盡知之矣丘明親承聖旨目見獲麟丘明何以不言弟子何以不說子思孟軻去聖尤近荀卿著書尊崇孔德麟若應孔子而來著書無容不述

何乃經傳羣籍了爾不言以其既妖且妄故杜悉無所取

小邾射以句繹來奔注射小邾大夫句繹地名春秋

止於獲麟故射不在三叛人之數自此以下至十六

年皆魯史記之文弟子欲存孔子卒故并錄以續孔

子所脩之經音義

射音亦句古疏注正義曰此文與侯氏繹音亦邾庶其黑肱莒牟

夷文同知射是小邾大夫以句繹之地來奔魯也其事既同其罪亦等傳稱庶其等為三叛人不通數此為四叛人者以春秋之經止於獲麟獲麟以上褒貶是仲尼之意此雖文與彼同而事非孔意故不數也若然魯史書此舊與彼同則竊地顯名史先然矣而昭三十一年傳盛論書三叛人名懲不義也其善志

也杜言書曰故書皆是仲尼新意案此類彼則彼是舊文言新意者仲尼所脩有因有革因者雖是仲尼因舊舊合仲尼之心因而不改即是新意所以彼傳歸功脩者謂之善志為傳所以脩之既定乃成為善也故釋例終篇杜自問而釋之云丘明之為傳所以釋仲尼春秋仲尼春秋皆因舊史策書義之所在則時加增損或仍舊史之無或改舊史之有雖因舊文固是仲尼之書也丘明所發固是仲尼之意也是其說也公羊穀梁之經皆至獲麟而盡左氏之經更有此下事者自此已下至十六年皆是魯史記事之正文也仲尼所脩脩此記也此上仲尼脩記此下是其本文弟子欲存孔子卒故因經之末并錄魯之舊史以續孔子所脩之經記仲尼卒之日月示後人使知之耳賈逵亦云此下弟子所記但不言是魯之舊史耳

夏四月齊陳恒執其君寘于舒州音義

寘之疏正義政反曰成

十七年晉欒書執晉厲公亦先執後弑與此事同彼不書者或此告彼不告且此非孔子所脩不可以為也例

庚戌叔還卒注無傳

五月庚申朔日有食之注無傳

陳宗豎出奔楚注無傳音義

豎上主反

宋向魋入于曹以叛注曹宋邑音義

向舒又反魋徒回反

莒子狂卒注無傳音義

狂其廷反

六月宋向魍自曹出奔衛宋向巢來奔

齊人弑其君壬于舒州疏

正義曰宣四年傳例曰凡弑君稱君君無道也稱臣

臣之罪也發凡言例是周公舊典此魯史不書陳恒之名蓋依凡例以齊君無道故

秋晉趙鞅帥師伐衛注無傳音義

鞅於史反

八月辛丑仲孫何忌卒

冬陳宗豎自楚復入于陳陳人殺之注無傳音義

復扶

又反陳轅買出奔楚注無傳

有星孛注無傳不言所在史失之音義

孛字步內反

饑注無傳

傳十四年春西狩於大野叔孫氏之車子鉏商獲麟

注大野在高平鉅野縣東北大澤是也車子微者鉏

商名音義

鉏仕居反

疏

注正義曰鉅訓大也由其旁有大澤故縣以鉅野為名其澤在曲阜

之西故稱西狩不書地者得常不書也賈逵云周在西明夫子道繫周服虔云言西者有意於西明夫子有立言立言之位在西方故著於西也案此澤實在魯西舊史因書西耳仲尼不改舊史何以得示已意若其本實東狩仲尼不得輒改為西以已意之所示妄改魯之狩處雖則下愚知其不可豈有斯人而為斯事以此立說何妄之甚杜以車子連文為將車之子故為微者鉏商是其名也家語說此事云叔孫氏

之車士曰子鉏商王肅云車士將車者也子姓鉏商名今傳無士字服虔云車車士微者也子姓鉏商名以子為姓以為不祥以賜虞人注時所未嘗見故怪與杜異

之虞人掌山澤之官疏

正義曰家語云子鉏商采薪於大野獲麟焉折其前左足

載而歸叔孫以為不祥棄之於郭外使人告於孔子孔子曰麟也然後取之王肅云傳曰狩此曰采薪時實狩獵鉏商非狩者采薪而獲麟也傳曰以賜虞人此云棄之於郭外棄之於郭外所以賜虞人也然肅意欲成彼家語令與經傳符同故強為之辭冀合其說要其正文乖不可合也今傳言狩而獲麟非采薪者也鉏商不是狩者麟非狩之所獲何以書為狩乎以賜虞人虞人當受之矣棄郭外非賜人之辭不得棄之以為賜人也公羊傳曰西狩獲麟何以書記異也何異爾非中國之獸也然則孰狩之薪采者也薪

采者則微者也曷為以狩言之大之也曷為大之為獲麟大之也則公羊之意當時實無狩者為大麟而稱狩也家語雖出孔家乃是後世所錄取公羊之說飾之以成文耳不可與左氏合也

仲尼觀

之曰麟也然後取之注言魯史所以得書獲麟疏注

義曰若舉國不識則無由得書傳說仲尼觀之言魯史所以得書獲麟由仲尼辯之故也服虔云仲尼名之曰麟明麟為仲尼至也然則麟非常見魯人所疑仲尼聖者所言必信故魯從而取之此則愚民之信聖也服虔以仲尼名之即云為仲尼至然則防風之骨肅慎之天季氏之貳羊楚王之萍實皆問仲尼而後知豈為仲尼至也○小邾射以句繹來奔曰使季路要我吾

無盟矣注子路信誠故欲得與相要誓而不須盟孔

子弟子既續書魯策以繫於經丘明亦隨而傳之終

於哀公以卒前事其異事則皆畧而不傳故此經無

傳者多音義

要於妙反又
一遙反注同

使子路子路辭季康子使

冉有謂之曰千乘之國不信其盟而信子之言子何

辱焉對曰魯有事于小邾不敢問故死其城下可也

彼不臣而濟其言是義之也由弗能注濟成也音義

乘繩證反

疏

正義曰季孫之意以小邾射不信千乘
之國而信子路之言是其重子路過於

一國子路當以為榮不宜恥與言約子路之意魯伐
小邾非已能禁將令已言不信不可與射約也又射

是竊地叛臣臣之罪惡者也而子路與之相要
便是以射為義恥與不義交好故辭而不能也○齊

簡公之在魯也闕止有寵焉注簡公悼公陽生子壬

也闕止子我也事在六年音義

闕苦暫反

及即位使為政

陳成子憚之驟顧諸朝注成子陳常心不安故數顧

之音義

憚大旦反驟仕救反數所角反

諸御鞅言於公注鞅齊大夫

曰陳闕不可竝也君其擇焉注擇用一人弗聽子我

夕注夕視事陳逆殺人逢之陳逆子行陳氏宗也子

我逢之遂執以入注執逆至朝陳氏方睦注欲謀齊

國故宗族和使疾而遺之潘沐備酒肉焉注使詐病

因內潘沐并得內酒肉潘米汁可以沐頭音義

遺唯季反

潘芳袁反注皆同沐音木汁之十反

饗守囚者醉而殺之而逃子我盟

諸陳於陳宗注失陳逆懼其反為患故盟之疏

正義曰陳

宗陳氏宗主謂陳成子也盡集陳氏宗族就成子家盟也

初陳豹欲為子我臣注

豹亦陳氏族使公孫言已注言已介達之音義

介音界媒

介也亦因也

已有喪而止既而言之注既終喪也曰有陳

豹者長而上僂注肩背僂音義

長如字又丁文反僂力主反

望視

注目望陽事君子必得志注得君子意欲為子臣吾
憚其為人也注恐多詐故緩以告子我曰何害是其
在我也使為臣他日與之言政說遂有寵謂之曰我
盡逐陳氏而立女若何對曰我遠於陳氏矣注言已

疏遠音義

說音悅女音汝遠如字又于萬反

且其違者不過數人注

違不從也音義

數所主反

何盡逐焉遂告陳氏子行曰彼

得君弗先必禍子子行舍於公宮注子行逃而隱於

陳氏今又隱於公宮夏五月壬申成子兄弟四乘如

公注成子之兄弟昭子莊簡子齒宣子夷穆子安廩

丘子意茲芒子盈惠子得凡八人二人共一乘音義

廩力甚反

疏

注正義曰案世本僖子生昭子莊簡子齒宣子其夷穆子安廩丘子鑿茲芒子

盈惠子得

子我在幄注幄帳也聽政之處音義

幄於角反處昌慮反

出逆之遂入閉門注成子入反閉門不納子我侍人

禦之注子我侍人音義

禦本亦作御魚呂反

子行殺侍人注素

在內故得殺之公與婦人飲酒于檀臺成子遷諸寢

注徙公使居正寢音義

檀大丹反

公執戈將擊之注疑其

欲作亂大史子餘曰非不利也將除害也注言將為

公除害音義

大音泰將為于偽反下文逆為余請下注為公同

成子出舍于

庫注以公怒故聞公猶怒將出曰何所無君子行抽

劔曰需事之賊也注言需疑則害事音義

需音須

誰非

陳宗注言陳氏宗族衆多疏

正義曰子行稱國內之人誰非陳宗言陳氏宗

族衆多力足成事何為畏子我欲出奔

所不殺子者有如陳宗注言子

若欲出我必殺子明如陳宗疏

正義曰子行慮其必出故以殺子懼之陳

宗謂陳之先人此稱有如陳宗由定六年孟懿子謂范獻子曰所不以陽虎為中軍司馬者有如先君彼

注云稱先君以徵其言此亦然也服虔云陳宗先祖鬼神也

乃止子我歸屬徒攻

闡與大門注闡宮中小門大門公門也音義

屬之欲反闡音

韋

疏

注正義曰釋宮云宮中之門謂之闡孫炎曰宮中相通小門也成子在公宮內知大門公門也

計闡在宮內必是得入大門乃得至闡今言攻闡與大門皆不勝者公宮非止一門蓋從別門而入兵得至闡故與大門並攻也

皆不勝乃出陳氏追之失道於弇中適

豐丘弇中狹路豐丘陳氏邑音義

弇於檢反又音淹狹音洽

豐丘

人執之以告殺諸郭闢注齊闢名成子將殺大陸子方注子方子我臣陳逆請而免之以公命取車於道

注子方取道中行人車及彫衆知而東之注知其矯

命奪車逐使東音義

彫音而矯本又作橋居表反

出雍門注齊城

門也音義

雍於用反

陳豹與之車弗受曰逆為余請豹與

余車余有私焉事子我而有私於其讎何以見魯衛

之士注傳言陳氏務施音義

施式政反

東郭賈奔衛注賈

即子方庚辰陳恒執公于舒州公曰吾早從鞅之言

不及此注悔不誅陳氏○宋桓魋之寵害於公注恃

寵驕盈公使夫人驟請享焉而將討之注夫人景公

母也數請享飲欲因請討之音義

數所
角反

未及魍先謀

公請以鞏易薄注鞏向魍邑薄公邑欲因易邑為公

享宴而作亂音義

鞏音
安

公曰不可薄宗邑也注宗廟

所在乃益鞏七邑而請享公焉注偽喜於受賜以日

中為期家備盡往注甲兵之備公知之告皇野曰余

長魍也注少長育之皇野司馬子仲音義

長丁丈反
注同少詩

照反今將禍余請即救司馬子仲曰有臣不順神之所

惡也而況人乎敢不承命不得左師不可注左師向

魑兄向巢也音義

惡鳥路反

請以君命召之左師每食擊

鍾聞鍾聲公曰夫子將食既食又奏注奏樂公曰可

矣以乘車往曰迹人來告注主迹禽獸者音義

迹子亦反

疏

注正義曰周禮地官迹人掌邦田之政凡田獵者受命焉鄭玄云迹之言跡知禽獸之處也

曰

逢澤有介廩焉注地理志言逢澤在滎陽開封縣東

北遠疑非介大也音義

介音界廩九倫反獐也本又作廩亡悲反

疏注正

漢書地理志云開封縣逢池在東北或曰宋之逢澤也臣瓚案汲郡古文梁惠王廢逢忌之藪以賜民今浚儀縣有逢忌陂是也土地名宋都睢陽計去開封四百餘里非輕行可到故杜以遠疑非也蓋於宋都

之旁別有近地名逢澤也介大也釋詁文案方言畜無耦曰介杜云大者逢澤大處不應唯一麋若迹人止告一麋不應公喚左師俱獵故以公曰雖魑未介為大劉炫以為一麋而規枉氏非也

來得左師吾與之田若何注皇野稱公命君憚告子

注難以遊戲煩大臣音義

難乃旦反下文及注同

野曰嘗私焉

注嘗試也君欲速故以乘車逆子與之乘至公告之故拜不能起司馬曰君與之言注使公與要誓公曰所難子者上有天下有先君注言雖誅魑要不負言使禍難及子對曰魑之不共宋之禍也敢不唯命是

聽司馬請瑞焉注瑞符節以發兵疏

注正義曰周禮典瑞云牙璋以

起軍旅以治兵守鄭衆云牙璋琢以為牙牙齒兵象故以牙璋發兵若今時以銅虎符發兵也彼用牙璋天子之法諸侯於其封內亦自以瑞發兵其物無文以言之以命其徒攻桓氏注

桓氏向魋其父兄故臣曰不可注司馬故臣與桓魋

無怨者其新臣曰從吾君之命遂攻之子頤騁而告

桓司馬注子頤桓魋弟桓司馬即魋也音義

頤音祈騁勅領

反司馬欲入注入攻君子車止之注車亦魋弟曰不

能事君而又伐國民不與也祇取死焉向魋遂入于

曹以叛注哀八年宋滅曹以為邑音義

祇音支

六月使

左師巢伐之欲質大夫以入焉注巢不能克黹恐公

怒欲得國內大夫為質還入國音義

質音致注及下同

不能

亦入于曹取質注不能得大夫故入曹劫曹人子弟

而質之欲以自固黹曰不可既不能事君又得罪于

民將若之何乃舍之注舍曹子弟音義

舍音赦又音捨注同

民

遂叛之向魋奔衛向巢來奔宋公使止之曰寡人與

子有言矣不可以絕向氏之祀辭曰臣之罪大盡滅

桓氏可也若以先臣之故而使有後君之惠也若臣則不可以入矣司馬牛致其邑與珪焉而適齊注牛

桓魋弟也珪守邑符信向魋出於衛地公文氏攻之

注公文氏衛大夫求夏后氏之璜焉與之他玉而奔

齊陳成子使為次卿司馬牛又致其邑焉而適吳注

示不與魋同音義

夏戶雅反璜音黃

吳人惡之而反趙簡子

召之陳成子亦召之卒於魯郭門之外阮氏葬諸丘

輿注阮氏魯人也泰山南城縣西北有輿城錄其卒

葵所在懸賢者失所音義

惡烏路反阮苦夷反或音罔與音余

○甲午

齊陳恒弑其君壬于舒州注壬簡公也孔丘三日齊而請伐齊三公曰魯為齊弱久矣子之伐之將若之何對曰陳恒弑其君民之不與者半以魯之衆加齊之半可克也公曰子告季孫孔子辭注辭不告音義

三日齊側皆反本又作齊伐齊三如字又息皆反

退而告人曰吾以從大夫

之後也故不敢不言注嘗為大夫而去故言後疏

正義

曰論語錄此事與此小異彼云沐浴而朝此云齊而請彼云公曰告夫三子此云公曰子告季孫禮齊必

沐浴三子季孫為長各記其一故不同耳彼於退而告人之下又云之三子告此無文者傳是史官所錄記其與君言耳退後別告三子唯弟子知之史官不見其告故傳無文也 ○初孟孺子洩

將園馬於成注洩孟懿子之子孟武伯也園畜養也

成孟氏邑音義

洩息列反
園魚呂反

成宰公孫宿不受曰孟孫

為成之病不園馬焉注病謂民貧困音義

為于偽反

孺子

怒襲成從者不得入乃反成有司使孺子鞭之注恨

恚故鞭成有司之使人音義

從者才用反使所吏
反注同恚一瑞反

秋

八月辛丑孟懿子卒成人奔喪弗內袒免哭于衢聽

共弗許注請聽命共使音義

內如字又音納袒音但免音問衢其俱反共音

恭注懼不歸注不敢歸成為明年成叛傳

十有五年春王正月成叛

夏五月齊高無平出奔北燕注無傳音義

平普悲反

鄭伯伐宋注無傳

秋八月大雩注無傳音義

雩音于

晉趙鞅帥師伐衛注無傳

冬晉侯伐鄭注無傳

及齊平注魯與齊平

衛公孟彊出奔齊注無傳音義

彊苦侯反

傳十五年春成叛于齊武伯伐成不克遂城輸注以

偏成○夏楚子西子期伐吳及桐汭注宣城廣德縣

西南有桐水出白石山西北入丹陽湖音義

汭如銳反

陳

侯使公孫貞子弔焉注弔為楚所伐及良而卒注良

吳地將以尸入注聘禮若賓死未將命則既斂于棺

造於朝介將命音義

斂力驗反下同造七報反下文注皆倣此

疏

注正義曰聘禮文也服虔云在牀曰尸在棺曰柩禮稱既斂於棺傳言將以尸入者記言對文耳散則可以通隱元年傳曰贈死不及尸注云尸未葬之通稱也案聘禮賓入竟而死遂也主人為之具而殯介攝其命君弔介為主主人歸禮幣必以用介受賓禮無辭也不饗食此謂入竟未至國都賓死其禮如此聘禮又云若賓死未將命則既斂于棺造於朝介將命鄭注云未將命謂俟間之後也此謂賓已至朝主人將欲行禮賓請問之後賓死以柩造朝以尸將事今公孫貞子卒於竟內依禮唯可以尸而入殯於賓館不合以柩造朝以尸將事今上介芋尹云以尸將事者以吳人不納故芋尹引禮深以辯之杜以傳有以尸將事故引聘禮斂于棺造于朝介將命以釋之其實貞子當殯於館不得以尸將事也

吳子

使大宰嚭勞且辭曰以水潦之不時無乃廩然隕大

夫尸注廩然傾動貌音義

勞力報反廩音老廩力甚反隕于敏反下同

以

重寡君之憂寡君敢辭上介芋尹蓋對注蓋陳大夫

貞子上介音義

重直用反下注同寡君敢辭上介絕句芋音于付反

曰寡君聞

楚為不道荐伐吳國注荐重也音義

荐在偏反

滅厥民人

寡君使蓋備使弔君之下吏注備猶副也音義

備使所吏

反蓋芋尹蓋辭同

無祿使人逢天之憾大命隕墜絕世于良

注絕世猶言棄世廢曰共積注廢行道之日以共具

殯斂所積聚之用音義

共音恭注同積子賜反又如字注同殯必刃反聚才喻反

又如一日遷次注一日便遷次不敢留君命令君命

逆使人曰無以尸造于門是我寡君之命委于草莽也且臣聞之曰事死如事生禮也於是乎有朝聘而

終以尸將事之禮注朝聘道死以尸行事音義

莽亡黨反

又有朝聘而遭喪之禮注遭所聘之喪疏

正義曰上注所引者

是聘賓終以尸將事之禮聘禮又云聘禮喪入竟則遂也不郊勞不筵几主人畢歸禮賓唯饗餼之受是聘而遭喪之禮也其朝禮雖亡賓終及主遭喪必亦有禮文六年季文子聘於晉求遭喪之禮是也若

不以尸將命是遭喪而還也無乃不可乎以禮防民

猶或踰之今大夫曰死而棄之是棄禮也其何以為

諸侯主注謂主盟也先民有言曰無穢虐士注虐士

死者備使奉尸將命苟我寡君之命達于君所雖隕

于深淵則天命也非君與涉人之過也吳人內之注

傳言芋尹蓋知禮音義

內如字又音納

○秋齊陳瓘如楚注

瓘陳恒之兄子玉也音義

瓘古喚反

過衛仲由見之注仲

由子路音義

過古禾反

曰天或者以陳氏為斧斤既斲喪

公室而他人有之不可知也其使終饗之亦不可知

也注饗受也音義

斷陟角反喪息浪反下注皆同

若善魯以待時不

亦可乎何必惡焉注仲由事孔子故為魯言音義

故為

于偽反下為衛為請竝同

子玉曰然吾受命矣子使告我弟注弟

成子也○冬及齊平子服景伯如齊子贛為介見公

孫成注公孫成成宰公孫宿也傳人皆臣人而子有背

人之心況齊人雖為子役其有不貳乎注言子叛魯

齊人亦將叛子音義

背音疏

正義曰人皆臣人謂凡人皆臣事於人當一心

事上今公孫成而有背人之心謂背魯適齊況他國齊人雖為子役豈有不學子而為叛貳乎言必效子

而為叛貳故杜云言子
叛魯齊人亦將叛子也

子周公之孫也多饗大利猶

思不義利不可得而喪宗國將焉用之注喪宗國謂

以邑入齊使魯有危亡之禍音義

馬於虔反

成曰善哉吾

不早聞命注傳言仲尼之徒皆忠於魯國陳成子館

客注使景伯子贛就館曰寡君使恒告曰寡人願事

君如事衛君注言衛與齊同好而魯未肯音義

好呼報反

景伯揖子贛而進之對曰寡君之願也昔晉人伐衛

注在定八年齊為衛故伐晉冠氏喪車五百注在定

九年冠氏陽平館陶縣音義

冠如字又古喚反

因與衛地自

濟以西襍媚杏以南書社五百注二十五家為一社

籍書而致之音義

濟子禮反襍諸若反

吳人加敝邑以亂注在

八年齊因其病取謹與闡注亦在八年寡君是以寒

心若得視衛君之事君也則固所願也成子病之乃

歸成注病其言也公孫宿以其兵甲入于羸注羸齊

邑音義

羸音盈

○衛孔圉取太子蒯聵之姊生慍注孔

圉孔文子也蒯聵姊孔伯姬音義

圉魚呂反蒯苦怪反聵魚怪反慍苦

反回孔氏之豎渾良夫長而美孔文子卒通於內注通

伯姬音義

渾戶門反長丁文反又如字

大子在戚孔姬使之焉注

使良夫詣太子所音義

使之所吏反又如字

太子與之言曰苟

使我入獲國服冤乘軒三死無與注冤大夫服軒大

夫車三死死罪三音義

無與音預

與之盟為請於伯姬注

良夫為太子請閏月良夫與太子入舍於孔氏之外

圃注圃園音義

園布五反

昏二人蒙衣而乘注二人太子

與良夫蒙衣為婦人服也音義

乘繩證反下及注同

寺人羅御

如孔氏孔氏之老樂寧問之稱姻妾以告注自稱婚

姻家妾音義

樂力丸反
姻音因

遂入適伯姬氏既食孔伯姬

杖戈而先大子與五人介與殽從之注介被甲與殽

豚欲以盟音義

杖直亮反又音丈
殽音加被皮寄反

疏

正義曰殽是豕
之牡者傳稱諸

侯盟誰執牛耳則盟當用牛此用豕者鄭玄云人君
用牛伯姬迫孔悝以殽下人君耳然則蒯瞶自謀取
國寧復降下人君於時迫促難得牲耳牲不備牛如
孟任割臂以盟莊公楚昭王割子期之心以盟隨人
此及明年太子疾與殽為盟
皆臨時偏切難以禮論也
迫孔悝於厠強盟之注

孔氏專政故劫孔悝欲令逐輒音義

迫孔悝本又作
叔悝厠初吏反

強其丈反劫居業反令力呈反

遂劫以登臺藥寧將飲酒炙未熟聞

亂使告季子注季子子路也為孔氏邑宰音義

炙章夜反

同疏

注正義曰論語稱子路為季路則字季故呼為季子也使告季子則季子在外下云食焉不辟

其難是食孔氏之祿故知為孔氏邑宰

召獲駕乘車注召獲衛大夫駕

乘車者不欲戰音義

召上照反注同

行爵食炙疏

正義曰丘明為傳雖

詳於當時而此大煩碎計藥寧飲酒無可記錄又此句顛倒辭義不允若倒此一句則上下各自相連當

是後來誤耳

奉衛侯輒來奔季子將入遇子羔將出注子

羔衛大夫高柴孔子弟子將出奔曰門已閉矣季子

曰吾姑至焉注且欲至門子羔曰弗及不踐其難注

言政不及已可不須踐其難音義

難乃旦反注及下皆同

季子

曰食焉不辟其難注謂食孔氏祿疏

正義曰子羔謂季子將欲救君

故言政不及已不當踐其難季子欲救孔悝故言食其祿焉不辟其難

子羔遂出子路

入及門公孫敢門焉注守門曰無入為也注言輒已

出無為復入音義

復扶又反

季子曰是公孫也求利焉而

逃其難由不然利其祿必救其患有使者出乃入注

因門開而入音義

使所吏反

曰夫子焉用孔悝雖殺之必

或繼之注言已必繼孔悝為難攻大子音義

馬於虔反

且

曰大子無勇若燔臺半必舍孔叔大子聞之懼下石

乞孟魮敵子路注二子蒯瞶黨敵當也音義

燔音煩舍音捨

又如字孟音于魮於滅反

以戈擊之斷纓子路曰君子死冠不免

注不使冠在地音義

斷丁管反

結纓而死孔子聞衛亂曰

柴也其来由也死矣孔悝立莊公注莊公蒯瞶也莊

公害故政欲盡去之注故政輒之臣音義

去起呂反

先謂

司徒瞞成曰寡人離病於外久矣子請亦嘗之歸告

褚師比欲與之伐公不果注比褚師聲子為明年瞞

成奔起音義

瞞莫干反
褚申吕反

春秋左傳注疏卷五十九

春秋左氏傳注疏卷五十九考證

用田賦○林堯叟曰以邱賦一乘為未足又以田賦之也

公會吳于橐臯注橐臯在淮南浚道縣東南○

臣召南

按漢書地利志後漢郡國志皆作浚道晉志作浚道蓋前漢浚道及橐臯二縣並屬九江郡後漢省橐臯入浚道晉又改為浚道屬淮南郡耳

傳今火猶西流○漢書律歷志曰哀公十二年冬十二

月流火非建戌之月也是月也螽故傳曰火伏而後
蟄者畢今火猶西流司歷過也詩曰七月流火

公會晉侯及吳子于黃池○孫復曰黃池之會其言公
會晉侯及吳子者主在吳子也吳自柏舉之戰勢橫
中國諸侯皆宗于吳晉侯不見者二十四年晉之不
能主諸侯可知也

傳彌庸見姑蔑之旗注今東陽大末縣○末監本訛作

宋今改正

傳乃先晉人疏吳語說此事云吳公先歆晉侯亞之○

臣照

按孔氏之意謂吳語非實當從左氏但晉已積弱未必左傳之為是而吳語之為非且少待之後畢竟云何而仍先晉人傳不應如是函胡其詞也疑本是乃先吳人訛作晉耳若夫左氏作春秋傳又作國語而自相矛盾者多則不得疑為國語非左氏之書作春秋傳則從魯史作吳語則從吳史信以傳信疑以傳疑左氏不得臆斷而妄改也

傳若登首山以呼曰庚癸乎疏言欲致飯并致飲也○
飯監本訛作餅今改正

西狩獲麟注所感而作固所以為終也○臣浩按諸家

說獲麟以為文成瑞應穿鑿不經不如杜氏之明白

簡易

又疏中央軒轅大角之獸○臣浩按天官書曰軒轅

黃龍體大角者天王帝廷臣召南按龍鳳白虎元武

於天文各占七宿而麟則應中央軒轅大角二星也

然觀公羊疏緯書言麟錯雜不一

小邾射以句繹來奔○

臣召南

按自此以下皆傳補經

也各本俱與經平寫唯舊本比經文低一字甚是今從之又按杜註以下皆魯史記之文恐不如賈逵說是弟子所記

傳闕止有寵焉注闕止子我也○

臣召南

按齊世家全

用此傳文而於田敬仲完世家則曰子我者闕止之宗人也離闕止子我為二人誤矣

傳逢澤有介廩焉注地理志言逢澤在滎陽開封縣東北○臣召南按滎陽二字似衍漢志本文開封逢池在東北耳漢時開封屬河南郡晉始屬滎陽郡似不
得以晉時郡名混入漢志也

傳孔丘三日齊而請伐齊三○王應麟曰請討陳恒之
年春秋終焉夫子之請討也將以見之行事請討不
從然後託之空言

傳成曰善哉吾不早聞命注傳言仲尼之徒皆忠於魯

國○王應麟曰史記載夫子之言曰夫魯父母之國
國危如此二三子何為莫出此夫子之訓也

傳乃歸成○

臣浩

按魯世家曰使子服景伯子貢為介

適齊齊歸我侵地即此事也

傳公孫宿以其甲兵入于嬴注嬴齊邑○

臣召南

按漢

志泰山郡有嬴縣即此地也齊之南界邑

春秋左氏傳注疏卷五十九考證

謹按第三頁前四行注孔子始老故與弔也刊本
監本毛本與並記為據宋本改

第三頁後三行疏於傳文上下諸本文訛云據宋
本改

第七頁前七行疏則是夏十月諸本十訛九據宋
本改

後四行疏於法當在十二年也諸本年訛月據宋
本改

後七行音義一本作士暢諸本土訛玉據宋本改
第九頁前一行注故史承而書之諸本史訛使據
宋本改

第十五頁前七行疏當在吳所營軍之旁諸本旁
訛方據宋本改

第十七頁前八行疏荀卿著書刊本卿訛鄉今改
第二十四頁後二行注逐使東諸本逐訛遂據宋
本改

第二十五頁後六行音義本又作麋刊本麋訛麋

今改

第二十六頁前八行注使禍難及子刊本子訛于

今改

第二十七頁後六行注示不與魑同諸本示訛亦

據宋本改

第三十頁後七行注絕世猶言棄世諸本世訛也

據宋本改

第三十一頁前一行注一日便遷次諸本便訛使

據宋本改

第三十二頁前五行傳人皆臣人而子有背人之

心諸本脫子字據宋本改

第三十三頁前八行音義園魚呂反刊本呂訛已

據釋文改

第三十四頁前七行疏難以禮論也諸本禮訛文

據宋本改



覆校官編修臣項家達

校對官檢討臣郭寅

膳錄監生臣徐麟趾